

В. Овечкин

Асламның күзөрт

25894



+

+

Көми-Перияикой институт уевооршенствозача. учателей

Көми-Перияикой книжной издательство
Кудымкар • 1956

В. ОВЕЧКИН

АСЛАНЫМ КИЭЗÖН

(ОЧЕРК)


Переводсö керис С. А. Можяев

*Коми - Пермьяцкöй
книжнöй издательство
Кудымкар * 1956*

Редактор перевода *Н. А. Спорова* Техн. редактор *Ф. С. Яркова*
Обложка художника *А. А. Горкунова* Корректор *Э. А. Тетюева*

Сдано в набор 12/XI 1956 г. Подписано к печати 19/XII 1956 г.
Формат бумаги $84 \times 108^{1/32}$. Печатных листов 4,25. Уч.-изд. л. 2,7.
ЛБ11907. Заказ № 2433. Тираж 1000. Цена 80 к.

Кудымкарская типография Молотовского Облполиграфиздата.
г. Кудымкар, Восточный переулок, 42.



I

Районын, кытөн уджалис Мартынов, вöлисö тридцать колхоз.

Чулалис джын год. 1953 годö сентябрьын вöли КПСС Центральнöй Комитетлөн Пленум, кöда быдöс странались вниманнёсö иньдöтис деревня дынö. Но, конечно, эта Пленумлөн решеннёэс эз вермö сэк жö, сразу отсавны лэбтыны урожай, колхоззэзлись экономика, сийөн что эта кад кежö сельскохозяйственнöй годыс вöли почти кончитём.

Эта районын колхоззэзлөн доходдэз и трудоденьлөн стоимость сё эшö вöлисö öддьөн неёткодьöсь.

Районас вöлисö вит колхоз, кöднö позис шуны былись передовöй, богатöй колхоззэзён: «Власть

Советов», кытөн председателылис Демьян Васильевич Опенкин; «Красный Октябрь», «Заря», «Большевик», «Спартак» — сэтчин председателлезнас уджалисö сэтшöм жö опытной хозяйиннэз, кöдналөн колхозной дело понда висисö сьöлöм-мезныс. Крутой пондис лэбны колхоз «Родина», кытчö райком ыстис одззася лесникöс Дороховос,— мöднөж висьтавны, колхозниккез корöм сьöрти бергöтис сийö бөр важ местаас. Пондис петны передовойезö Молотов нима колхоз — сэтчин эшö кык год бөрлань мунис партия райкомись инструктор Рязанцев, кöда образованнэнас агроном и öддьөн гажтöмтчöма му понда.

Бöлисö пятнадцать колхоз мымда среднойöсь. Председателлезнас сэтчин уджалисö честной да рассудительной отир, нылö ковсис только унажык отсавны, велöтны нийö сэтчö, кыз колхозной производствоас пыртны быдöс вильсö, полезнойсö.

Городдэзись районас пондисö локны сельской хозяйствойсь специалисттэз. И — не специалисттэз, кöднийö корис партия.

Москваись, чёрной металлургия Министерствойсь локтис партиялөн 1925 годсянь член инженер Долгушин, медбы уджавны Семидубовской МТС-ын директорөн, старик Готов туйö. Кинкö сэтчин, МТС управленне кадррез отделын, видзötöма Готов анкетаись «образованне» графаö и решитöма, что Готовыс туйö öни жö колö пуктыны инженерös, эта дырни абу и юасьöма, кыз сия уджалö. Мартынов вермис дорйыны Готовсö (баитис телефонөн обкомись секретарькöt и даже сельской хозяйство министр заместителькöt). Если ЦК-лөн сентябрьской Пленум решеннэзын висьталöма, что директоррезös-практик-кезös, кöдналөн абу высшой образованне, позьö

мукöд костаас кольны кызд исключеннë, то Глотовыс, Мартынов думайтöм сьöрти, и вöли именно сэтшöм исключеннëон. Чулалöм гожумö Мартынов казялис ни, что Глотовыс вермö и мöдö буржыка уджавны: старик бытьтö чапкис ас вывсис дас год мымда, сылөн МТС-ыс быдөннысся чо-жажык да буржыка чулötис уборка, районас сетис медвылын урожай и унажык планся гöрис зябь. Сэтчö жö Семидубовскöй МТС-ас ыстисö ни железнодорожнöй транспорт вылись и резинокомбинатис кык виль работникöс — öтсö главнöй инженер должность вылö, а мöдсö ремонтнöй мастерскöйö заведующöйöн, кöдна совсем озö тöдö сельскöй хозяйствосö. Колö жö нылö, кин заведуйтö МТС команднöй состав номенклатураöн, кызкö буржыка комплектуйтны эта ыджыт сложнöй государственнöй хозяйствоын управленнë «штабсö», не вежны бöрйисьтөг сразу быдөннысö, а комбинируйтны: кытөн директорыс виль, сэтчин главнöй инженерöн нето мастерскöйö заведующöйöн кытчöдз кольны, может, и механикöс, но опытнöй няньвöдитисьöс, кöда бура тöдö тракторрез и комбайннэз; кытөн директорыс важ практик, сэтчин позьö сетны инженеррезöс городись,— медбы практиккес колхознöй строительствоын асланыс опытөн отсалисö городдэзись ыстöм специалисттэслö, а специалисттэс отсалисö практиккеслö асланыс знаннëэзөн.

Долгушинöс иньдисö Надеждинскöй МТС-ö, кытөн директорыс былись умöля уджалис и кытөн вöлисö опытнöйöсь главнöй инженер и главнöй агроном.

Локтисö вит специалист сельскöй хозяйство управленнë аппаратись и быдкодь областнöй контораэзись. Öтикöс ны коласись иньдисö Олешенскöй МТС-ö главнöй агрономön, мöдикöс ре-

комендуйтисö колхозö председателён, остальной-есö ыстисö колхозной агрономезон. Треситисö районной учрежденнээз, адззисö кынымкө агрономос да зоотехникос и быдөннысö нийö ыстисö пыркежö уджавны колхоззэсö.

И сёжö районас кольччылисö сизим колхоз мымда, кытөн колис öнi жö крепитны руководство, вежны председателлесö. Сизим колхоз — му площадь сьортi да населеннё сьортi районас неучот часть — сё эшö урожайсö получайтлисö нель-вит центнерон гектар вылись, вöлисö деньгатомось, пыр долггезын. Колис примитны кытшөмкө крутой мераэз, медбы лэбтыны энö колхоззэсö.

Кыз только кынтис, Мартынов мунис öтикö сэтшөм колхоззэзись, «Борьбаö», кöда вöли районас медалын. Эта колхозö умöль погода коста вöйöтан нюррезот да ваон вöтьом ольшаниккезот немон он мун. Мартынов, кыз пондис уджавны районас, ветлывлис быд колхозö унаись, неотпыр вöвли сiя и «Борьбаын», но сё недыр кежö. А öнi сiя колис райкомас быдос делөсö Медведевлö и олiс эта колхозын куим лун, узьлис не председатель ордын, а бригадаэзын колхозниккез ордын, видзötис быдос хозяйствосö, баитис уна отиркöt, корис МТС-ись ревизорос и керис мыйкө следствие кодьö, медбы тöдны причинаэз, мыля колхозын умöль положеннёис, примитлис колхозниккезсянь и письменной заявленнээз, и керлис очной ставкаэз — медбы кокньотны прокурорлö уджсö.

Мунис сiя «Борьбасис» öддьон лөг, сылись сьөлөмсö бура дойдис быдос адззылөмыс да кылөмыс.

...Мымдаись Мартынов кывлис рядовой колхозниккезсянь сэтшөм кыввез:

— Эх, ёрттэз руководителлез, не быдос тийо тодат, мый керсьо миян колхоззэзас!..

— Отік сводкаэз съорті миянлісь олансё он тёд!

— Быдос тодны — пуд сов колё миянкот сёйны!..

«Борьбаас» неыджыт кучка негодяйез пёртө-мась колхозсё асланыс вотчинао. Вот сэтөн Мартыновлө и усисё төдвылас ёрт Сталинлөн кыввез сы йылісь, что колхоз этө лишь организациялөн форма, социалистическөй, но сёжө форма, и быдос зависитө сысянь, кытшөм содержаннө пунктө-ма эта формао; что вөлі кад,— 1917 годө июльын,— көр и Советтэзнас руководитисё меньшевиккез да эсеррез, көдна эта формаөн сайөвтлісө контрреволюционнөй делөзэ.

А «Борьбаын» колхознөй формасө используйтисө не меньшевиккез и не эсеррез, а просто жуликкез, воррез, морттэз, көдналөн юрныс эз сайкавлы винасянь. Кытшөм бы эз вөв ыббез вылын урожайыс: өкмыс ли центнер, нель ли центнер — правленнөйсь членнэзлө, бухгалтерлө да ревизионнөй комиссиясь председателльлө тырмывлісө ния «фондэс», көдна кольччывлісө амбаррезас да складдэзас. Мөйму төвнас, көр умөля вердөмсянь фермаэзын пода куліс и колхозниккезлө ны мөссэз понда эз сетө даже отік тылөпөн идзас, председателльлөн да завхозлөн оградаэзаныс сулаліс не отік зорөдөн медбур клевернөй турун. Пируйтикө сөйөм курөггез, дзодзоггез да баляэз понда ответсө видзисө руччез да көиннэз. Мартынов адззис правленнөас даже акт... тигр вылө, көда пышшөма пө зверинецись и сөйөма кык колхознөй баранөс, көть и, кызд сыбөрын төдісө, некытшөм зверинецез Троицкөй районас некөр абу вовлөмась и некытшөм пыш-

шалісь тигррезӱс колхоз гӱгӱрас некин абу адззывлӱма. Правленнӱс членнӱз сайын вӱлі вит-сизим тысячаӱн колхознӱй денга — этӱ ссыся, мымда босытӱма кассаисы и кладовӱйезисы учёттӱг да отчёттӱг. Сідз пондӱмась гусясьны, что и бухгалтер-сообщник эз ни вермы сайӱвтны.

Мартыновӱс ӱддӱн дивитіс сія, что колхозникес некытчӱ абу гижлӱмась, абу норасылӱмась колхозын сэтшӱм безобразиеэс вылӱ. Сыбӱрын сія вежӱртіс, мыля эзӱ норасылӱ.

«Борьбаас» часто вовліс быдкодь кампанияэз коста уполномоченнӱйӱн райисполкомисы председательлӱн заместитель Федулов, кӱда ӱддӱн любитліс вӱравны да чериавны. Быд пырисы, кӱр сія лӱсьӱтчывліс мунны гортас, колхозисы председатель Маркин организуйтліс колхознӱй прудисы чери кыйӱм, сэтӱн жӱ пруд дорас пувлісӱ черива и пируйтисӱ, а сыбӱрын, прощайтчикас, суйыштліс райисполкомовскӱй «газик» кабинаӱ ыджыт корзина, кытчӱ тыр вӱвлісӱ тӱчӱмӱсь эшӱ ловья карппез да тыпыввез. Колхозникес адззисӱ, кыз нылӱн председателыныс дружитӱ районнӱй начальствокӱт, сійӱн и полісӱ норасыны районас. Областнӱй газетаӱ ыстӱм кынымкӱ письмо расследуйтны шедӱмась эта жӱ Федулов дынӱ. Но кыз жӱ сія вермис примитны мераэз эна жалобаэз сӱрті, кӱр сылӱ городын аслас виль керкуӱ ыбӱссӱз, ӱшын рамаэз и посӱдзӱ резьба керисӱ весь «Борьбаын» плотниккез колхознӱй вӱрисы, Маркин наряддӱз сӱрті?.. Дыр ковсис Мартыновлӱ кыскыны колхозниккеслісь кыв сӱрын кыв, кытчӱдз ния эзӱ казялӱ, что райкомисы секретарыс сӱрӱзнӱя мӱдӱ кошшыны причинаэсӱ, кӱднасянь разоритчӱ колхозыс, и оз сет некинӱс колхозниккесӱ ӱбидитны Маркинлӱ да сылӱн собутыльниккеслӱ.

Мартыновлө даже юрас эз вермы пырны, кытшом уна эмось способбез, коднийон позьо зэлотны критика понда и повзьотлыны колхозниккесө, енон и районной руководителлезон вунотом сэтшом пыд местаэзын. Көр эшө мый керасө, көр видзотасө общественной добро гусялисез вылө тэнчит жалобатө (да эшө правильная ли видзотасө), а сы коста председатель либо счетоводкөт бригадир сидз зэлотасө тэнө, что синнэзит югытыс ошас. И наряддэз пондасө тэныт сетапны самой невыгодной удж вылө, кытон нем он шедты, и табеллетө дзугасө сидз, что көр чулалас годыс, дак трудоденнет джыныс ошасө и немон он вермы докажитны, что ния тэнат вөлисө, и кытшом-нибудь важ греххез тэнчит адззасө, штрафуйтасө сия колесо понда, кодө мойму жугдин, көр вөлыт повзис машинаись да поротис телегасө.

— А юоны мян начальниккес, ерт Мартынов, просто висьтапны, кызд страшной суд одзын,— баитисө колхозниккес.— Кылоны, видно, что сидз и этадз ковсяс нылө тюрьмаө пуксьыны, вот полөмувья горшщезнысө и гывьялоны.

Колхозниккес висьтасисө: чукөртчасө председатель, завхоз, бригадиррез, уна луннэз сьорна дугдывтөг пируйтөмсянь кызд бөбсяломось, пуксясө кинкө ошын увтө завалина вылө и думайтоны: кызд бы юыштны, юр веськөтыштны? Видзөтоны — мөс локтома колхозной зород-дынө, сюррезнас рознитө турунсө. Эм мый бердө кутчисьны! Вашөтоны мөссө бригадной дворө, ыстоны мортөс вайотны мөслись хозяйкасө: «Ноко, тетка Настя, вежты штраф пятьдесят руб сы понда, мыля социалистической собственность травитин»; — и сэк жө эта денга вылө небасө вина и отлаын юасө. И бөра пукалоны да видзөтоны люммөм синнэз-

наныс: оз я эшö сибöтчö зород дынас кинлөн-ни-
будь куканёк либо мös?

А мöдан кö корны идзас вевттыны крыша нето
вöв ветлыны базарö — пол-литратöг бригадырыс
дынö эн и сибöтчы. Эта нылөн лоöма ни законөн.
Қытшöм взяткаэз? Просто — магарыч, кыз одз-
жык крестьянскöй обычайын вöвлі. Эз чулавлы
магарычтöг и служащöйезлö да рабочöйезлö ытш-
кытöм турун вузалöм дырни, и колхозниккезлö
карчйөррез сетöм дырни, и колхозö примитöм
дырни, и председателёс бöрйöм дырни. Только
медбöрья случаяс деньгаыс мунліс не колхозник-
кес карманись, а правленнёись. Қыкись бöрйив-
лісö Маркинöс «Борьбаас» председателён и кык-
нанпырсяс собраннёсö пöдналöм бöрын кыв сет-
сьывліс бухгалтерлö. Сія петліс народыс одзö
деньгаөн тыртöм портфельён и сетавліс быдөн-
ныслö, колхозісь полноправнöй членнэслö, кöдна
голосуйтісö, десяткаөн — двести грамм вылö.

Мартынов эз верит аслас пеллезлö. Сылö стыд
вöлі, сія лыддис асьсö виноватöйөн колхозниккес
одзын. Эзö вöлö колхозсис «сигналлэз»?.. Асьным
виноватöсь сыын, что колхозниккеслөн даже же-
ланнёныс эз ло кинлö-нибудь норасьны. И райко-
мись инструкторрез унаись вовлісö татчö, но, ты-
далö, сысса, кыз оформитöмось партсобранныэз-
лөн протоколлэз, немөн мöдікөн эзö интересуйтчö.

«Борьбаас» вöлісö двенадцать коммунист —
не учöt партийнöй организация. Секретарь Мо-
гутный, сія жö сельскöй пожарнöй командаись
начальник, эз вермы активнöя пессыны пьянст-
вокöt, сійөн что аслас тожö вöлі эта грехыс. Öт-
пыр кресення лунö ысласьöма селоötтяс дрожка-
эзөн-бегуноккезөн колесоэзтöг: кытчöдз пируй-
тöма öтік тöдса дöва ордын, челядь сы коста
осsezісь гайкаэсö кыскалöмась. Председатель

Маркин, завхоз Шарапов вöлісö партия членнэ-зöн, кыкнанныс 1947 годсянь. Но мыйлö ния пыри-сö партияс? Может, только сы понда, медбы ше-дöтчыны «активö», руководящöй должносттез вылö?..

Могутный норасис Мартыновлö районной про-курор вылö:

— Пондылі ме, ёрт Мартынов, öтiкöс-мöдiкöс татöн аслам киö босьтны. Сета прокурорлö дело. Вот Шараповлөн — квать тысяча вылö растрата и мöдiк переборрез. А прокурор шуö: «Ог вермы ськöt нем керны, кытчöдз сiя абу исключитöм. Сэтшöм порядок. Исключитö сiйö партияс, сэк пондам судитны». Но а кызд исключитны? Тэ сет мянлö основаннё, висьтав статья, да сэтшöмö, медбы самöй закадычнöй друггес-приятеллес эз лысьтö сiйö дорйыны! Сiдз и торгуйтчам. Ме шуа: перво вайö основаннё, сыбöрын исключитам. А прокурорыс: «Перво исключитö, а ме сыбöрын тöда, мый ськöt керны». Кыдзкö небытшöма мян петö, ёрт Мартынов. Ежели бы беспартийнöй сэтшöм преступленнёсö керис — судитiсö бы сiйö. А коммунисткöt кыскам волокита, и сiдз и этадз делосö бергötлам. А сылö некытшöм оправданнё абу.

«Борьбаын» двенадцать коммунистiсь только куима уджалiсö бригадаэзын рядовöй уджжезас: öтiк ездovöйöн, мöдiк прицепщикöн, куимöt зве-ньевöйöн. Мукöдыслөн быдöнныслөн вöли «долж-ность»: кин объездчик, кин учётчик, кин йöv пунк-тын заведующöй, кин финагент. Иннезныслөн тру-доденнес вöлісö медъетшаöн, öтiк морт ны кола-сiсь эз выработайт минимумсö.

И сёжö неумöль коммунисттэз колхозас вöли-сö. Вот эна кык рядовöй колхозник воннэз Макси-

моввез, строительной бригадась бригадир Кульков, звеньевой Федотова, ветеринарной фельдшер Шумилов, партийлон член 1925 годсянь — Ленинской призывись. Кор борйисо оння правленнесо, ния голосуйтисо против кандидатураэзлө, коднө рекомандуйтис уполномоченной Федулов, доказывайтисо, что ежели эшо год кежо доверитны колхозсо эна прощалыгаэзлө, то ния совсем разоритасо сийо. Собранные вылын эна ерттэзлон выступленнес эйылись Федулов висьталис, что ния иньдотомось сы вылө, медбы не сетны борйыны правленнесо, а Шумилов старикос предупредитис, что колхозас «антипартийной блок» организуйтом понда сия вермас партийной билетнас вежтисьны...

* * *

Серон ритнас райкомын пукалисо Мартынов, Медведев да Руденко.

«Борьба» колхозись локтом борын Мартынов кынымкө ой эз вермы узьны, сия даже умольтчис, син увттэс лозотисо. Но эта рытө сия воли оживленной, почти гажа — дыр думайтис, мый керны «Борьба» кодь колхоззэскот, но, тыдалө, мыйкө решитис ни.

— Миян модик неблагополучной колхоззэзын тожө, натьтө, кытшөмкө стадияын ния жө шогөттэс, кытшөмось «Борьбаас», — баитис Мартынов. — Сэтон быдос беспорядоккеслө причинаыс! Кытон колхознас руководитоны пьяницаэз да шляпаэз, сэтчин и ворреслө бура позьо оруduitны. Миянлись Нечипуренко либералос иньдыны бы «Борьбаас» председателон! Оз куж районын революционной законностьсо соблюдайтны — аськоть отик колхозын сийо кыз колө сувтотас!

— Сия не миян номенклатураын, — паныт висьталис Медведев. — Юриспруденция. Миянлө

абу сетома право иньдыны сійо председателён.

— Коммунист, миян райкомись член — кыз жо абу сетома право? Отікос абу сетома право ыстыны колхозо, модікос тожо — кин жо медодз распоряжайтчо коммунисттэс кадррезон?..

Мартынов дыр шысеттог пукаліс пызан сайын, видзотіс ошыно и лэдзалис папирота тшын осьтом форточкао, и кор пондіс баитны, Руденко да Медведев выло видзоттог, баитіс кыз бытьто аслыс отнасло — горон думайтіс.

— Эта аро делоз миян пондісо мунны буржыка. Сентябрьской Пленум. Сэтшом бур решенёз. Народ лэбтісис. Рудзог кодзим аскадо. Быдлаын горим зябь увто, быдсон, мый миян важын ни эз вов. Тулысон севнас лоас кокнитжык... Одзза трактористтэс бор пуксясо машинаэз выло. Товбытон керам уна. Тулысса севсо чулота бурра. Лоасо достиженёз... Но ежели кин-нибудь пондылас сразу жо первой успеххез борын ошшасьны сійон, что мийо оддьон бура тыртам сентябрьской Пленумліс решенёсо — ох, кытшом вред этасянь вермас лоны делосло! Энo решенёсо эшо коло тыртны да тыртны! Кинло выгодно одзлань лэбтыны миян успеххез йыліс шумсо? Сыло, кинло коло, медбы чожажык чулаліс колхоззэзын кадрресо крепитомон эта «кампанияыс». Быдос ни, мыся, керома. Быдлаын оддьон бурось райкомись секретаррез, МТС-эзын умной директоррез, колхоззэзын председателлез — веськыта висьтавны, академиккез! Чожажык бы овсисо, дугдісо ни вештавны кадрресо отмодоро — медбы асьсо сійо, мед ен оз шу, эз ысто деревняо. Вот кинло выгодно... И ныло выгодно, кин может сознательноя оз желайт, медбы миян колхоззэзын делоз быліс бурсялісо...

— Главнойсö мийö эшö эгö керö. Кадррез, кадррез. Этаын — быдöс!.. Ме лыддя, Иван Фомич и Василий Михалыч,— чожа бергöтчис креслоас Мартынов,— сiя, мый мийö кытчöдз керим районас — быдöс эта только джын дело. Но, мый мийö керим? Кыским контораэзiсь мукöд агрономезöс, ыстiм нийö колхоззэзö. Областись ыстiсö мянлö уджавны деревняын кынымкö мортöс. И — быдöс. Думайтaм петны специалисттэзөн да эна ёрттэзөн, кöдна локтiсö городдэзiсь? И месяц бöрти пондам нийö корлыны бюро вылö да требуйтны коренной перелом?.. А партийной активсис кинöс мийö ыстiм колхоззэзас? Эд отстающöй колхоззэзын сьöкыт положеннёыс понда ответственностьыс медодз усьö мян вылö, местной партийной актив вылö, райкомись членнэз вылö. Да и не только сийөн мунны мянлö колхоззэзас, что именно мийö керим ошибкaэсö. Не наказаннё туйö. Эд конференция вылын райкомас бöрйисö медбур коммунисттэзöс. Райкомсис и колö босьтны кадресö. Логично. А кинöс мийö иньдiм? Сберкассaись заведующöйöс Алфимовöс, «Заготскотись» директорöс Евсеевöс. Етша. Да и Алфимовыс райкомлөн не член.

— Кузнецовöс эшö ыстiм, автоколоннаись начальниккöс, — висьталiс Медведев.

— Кузнецовыс тожö райкомлөн не член. И количествонас и качественас не сiя петö!.. А сэтшöм колхоззээлö, кыз «Борьба», колöны гырись фигураэз. И не только председателлез мянлö колöны. Колхозной парторганизацияэзiсь секретаррезöс сiдзжö колö мöдпöв видзöтны. Олешенскöй МТС-ö колö секретарь... Пöдналам, Фомич, райкомись, райисполкомись кабинеттэсö, замоккез öшöтам, ассиным медбур работниккесö сетам колхоззэзö. А?..

Руденко, ко́да пукаліс диван вылын, вёрзьотчыштіс.

— Сэк и мянлө тэкөт ковсяс мунны председателлезө. Пöднавны дак пöднавны! Кыдз гражданскöй война коста пöднавлісö комсомольскöй комитеттэз. Ыбөс вылын гижөм: «Быдөнныс мунісö фронт вылө!»

— Нет, шуткаэзтөг... Эд думайтө, что ме былись лөсьөтча ликвидируйтны районнöй организациясö. Менам эм план: кызд и колхоззэсö крепитны, и районас содтыны виль кадррез. Видза юрам öтیکö-мөдікө.

— Мый?

— А вот мый. Көр мийö тэкөт кольччам отделлэзөн заведующöйезтөг, а райком, может, даже вторöй секретарьтөг, — Мартынов видзöтыштіс Медведев вылө, — сэк мян лоас основаннө корны область, медбы мянлө ыстісö бур работникезөс. Да, некин абу, учрежденнөез пустöйöсь. Может, мийö неладно керим, палкасö öддьөнöv көстим, но мый керан, быдөннысö иньдім ни деревняö. Вартлө мянөс, ежели керим глупость, но öні нийö он ни бергөт бөр. Колхознöй демократия. Бөрйөмөсь ни законнöй собраннөез вылын. Неладно петіс, каитчам, но мый öні керны? Отсалө мянлө, сетö районнöй аппаратас öтирөс. Вот. Вежөртіт?.. А көр область аслас учрежденнөезісь кадррезөн крепитас районнэсö и көр обкомын кольччас öтнас первöй секретарь машинисткаэзкөт, сэк и сылөн лоас законнöй причина корны ЦК эта йылісь жö. Ась областяс унажык сетöны отирсö центральной аппараттэзісь, быдкодь министрствоэзісь. Сідз сія и пондас мунны, волнаэзөн, перекаттэзөн вылісянь улö: районнэзісь колхоззэсö, областись районнэсö, Москваись областььö — сө матөжык деревня дынө...

— Сідзкө, и менө мөдан лэбтыны председа-
тельөдз? — лөгөнмоз серөмтчөмөн висьталіс Мед-
ведев.

Мартынов оча вайөтіс синкыммесө.

— Мыля жө, Василий Михайлович, иронизи-
руйтан: «лэбтыны»?.. Вот сэтчөдз, кытчөдз мийө
огө чегөтө колхозісь председатель должность ды-
нө сэтшөм пренебрежительной отношеннөсө, —
лөгөн висьталіс сія, — нем миян оз пет! Медодз,
тыдалө, асаным колө чегөтны этө аристократиче-
ской пренебреженнөсө!.. Но, кольччы тэ райкомас
первойис туйө, а ме муна колхозө. Колө жө кин-
лөкө пондөтны.

— А обязательно я колө именно миянлө пон-
дөтны?

— Да! Именно сійөн, что тэ вот сералан, көр
баитам; талун самөй почөтнөй дело лоны кол-
хозын председательөн. Тэ сералан. А мый сэк мө-
діккессянь видзчисьны?.. Чорт тэнө босьт! Заво-
дись директор — должность уважаемөй, автори-
тетнөй. И тэ, Василий Михалыч, небось, эн бы
өбидитчы, ежели бы тэныт предложитісө автоза-
водын директорлісь пост. А колхоз, көдалөн вит
тысяча гектар му, — эта мый, не масштабнөй
удж?.. Да, именно миянлө колө пондөтны! Не тэ-
ныт, дак меным... Мый шы он сет, Фомич? Узян?

— Нет, ог узь. Думайтa, — шыасис Руденко.

— Мекөт согласнөй?

Руденко нем эз висьтав.

— Иван Фомичыс полө, кызд бы тэ и сы ды-
нөдз эн судзөтчы, — сідз жө небытшөма сералө-
мөн шуис Медведев. — Сія менө жалейтө. Ежели
сія голосуйтас сы понда, медбы меным колхозө
мунны, ме эд сэк висьтала: Руденкоөс ыстө пред-
седательөн. Мый сія умөльжыка месся, городской
учителься, төдө сельскөй хозяйствосө?

— Но, ёрттэз, — Мартынов чеччис, — ежели мийё, бюролөн членнэз, пондам вот этадз ывсөтчаны да өтамөднымөс «жалейтны»!.. Сэк мөднөж керам. Партактив вылын пондам решайтны.

— Партактивлө абу сетөма право райком понда решайтны, — бөра висьталіс Медведев.

— Ась. Делоыс не формаын, а существоын. Колө жө кызкө жугдыны йысө. — Мартынов мыйкө гижыштис настольной календарьын. — Партактивсө чукөртам восемнадцатой луно, пятницаө. Ме кера доклад, кызд тыртсьоны сентябрьской Пленумлөн решеннээз. Двадцать минута мымда сетат меным докладсө керөм понда, унажыкыс оз ков. И сразу кутчам практической делоз бердө.

* * *

Кык часө ойнас Руденко звонитис Мартыновлө квартираас:

— Узин, Илларионыч? Простит, что саймөти. А менө оз узыөт... Пасьтасин бы, петалин, а? Ветлөтыштам, байтыштам. Дело эм... Асылөдз? Пола, что асылөдззас мөднөж понда думайтны, а өни висьтала кө тэныт, то быдөс!..

Не совсем саймөм Мартынов невежөртанаа горөтчис иньыслө, кытчө мунө, пасьтасис и петис өтөрө. Руденко видзчисис ни сийө ворота дынас. Мунисө скверө.

— Төдан, мыля ме нем эг висьтав, Илларионыч? — пондис байтны Руденко. — Медведев не сия фигураыс, көдасянь колө пондөтчаны. Кытшөмкө аскодя сия мортыс. Вот год ни уджалө миян дынын — нем сы йылись он висьтав не бурө, не умольө. Вөлі учительөн, кинлөкө юрас пырөма сувтөтны сийө партийной удж вылө. Кытшөм талантэз сылөн мыччисисо эта понда? Юаси ме сы йылись. Н-скись ерттээлсь! И сэтчин, городской

райкомас, немён особеннойён сия абу мыччалёма асьсё. Аккуратист, резолюция грамотной гижас, лекция лыддьотас — этё сия кужё. Ог тёд, кыз тэ думайтан, но, ме съорті, руководитны колхозён сия оз вермы. Не организатор. Да и сельской хозяйствосё оз тёд.

— Год уджалё сельской районн.

— Но, кыз бы тэныт висьтавыны, отік-модік дорё сия эта кадё велаліс, но сэтшом знаннёс, кыз няньвөдитісьлөн, мед съолёмнас кывны, сылөн абу.

— Кыз жё мийё Долгушинлө, не няньвөдитісьлө, доверитім МТС? Тринадцать колхоз?

— Ме казялі ни, Долгушиныс ёна кутчө быдөс вильыс бердө. Сия ойсё оз узь, пондас лыддьотны брошюраэз сы йылісь, кыз вөдитны сахарной свёкла, а асывнас агрономкөт споритас ни, кытшом культура бөрын буржык лоас свёкла-сё көдзны и кытшом посевет позьё, а кытшомось оз позь букетируйтны. Долгушинёс съолёмыс кыскө уджавны деревнян. А Медведевлө мусянас назёмён нырас вачкө. Оз интересуйт сійё деревенской оланыс. Год уджалікө эз вөв случай, мед сия кольчис ой кежө колхозын. Пытшшезлісь полө. Мыйлө сэтшомсё колхозас?

— Кытчө тэ баснитө көстан? Только эта понда ойшөрөн и петкөтін менө отөрас, кыз свиданнё вылө нывкаёс? Медведев йылісь висьтасыны? Ме сійё не етшажык тэсса тёда.

— Не Медведев йылісь мөда висьтасыны, ас йывсим... Колө кө, кыз тэ баитан, жугдыны йысё, давай ме партактив вылас выступита и кораыстыны менө колхозё. Сетө меным отікө медумоль колхоззезісь, но мед сэтчин вөлісё возмозносттез, мед вөлі уна му, отік кылөн шуны, мед вөлі кытөн одззөтчыны. «Вехи коммунизма» сетө нето «Па-

мяти декабристов». Өтiк годөн, веськыта висьтала, унасö нем ог кер, кад колö. А кык год бөрти быдös районсö пондан экскурсияэзөн вайötлыны мян колхозö.

Мартынов сувтчис, кутiс Руденкосö пельпöттяс, бергötис сийö чужöмнас асланяс.

— Серьёзно, Фомич?

— Серьёзно, Илларионыч.

— Но, спасибо, друг!.. Ох, кыз öнi эта колö: медбуррезсис медбур коммунисттэсö ыстыны колхоззэзö председателлезөн! Миянлö öнi быдös эд сетöма, мый йылись мийö мечтайтим. Делоыс öнi руководство методдэзын...

— Ладно, эшö менö пондан агитируйтны? Менам, вонöй, не первöй ой ни юрöдзам подушкаыс бергалö. Тожö неötпырись думайтли: не сiдз мийö решайтам кадрез йылись вопроссö, кыз корö сентябрьскöй Пленум!.. И эшö висьтала тэныт веськыта: оз гленитчы меным райисполкомын уджалöмыс. Может, меным кругозорыс оз тырмы, не вын сьöрти эта должностьыс, но тэкöt меным öддён сьöқыт. Тэсся одзасжык он чеччöвт. Только думайтан керны мый-нибудь вильö, а тэнат эта делоыс керöма ни, тэнат конкретнöй предложеннэз ни эмöсь. Чужöй спина сайын кöть и кокнитжык овны, но гажтöм... Эз пет меись советскöй властьлөн бур руководителыс, ачым чувствуйта. Сiдз, райкомыс дынö придаток. Голосованнө понда бюролөн член. Веськыта висьтавны, не Сенька сьöрти шапкаыс. А öнi, кыз ме вежöрта, советтэсö колö крепитны. МТС зонаэзын секретаррез, инструкторскöй группаэз. Быдөнныс мунасö аслаңыс местаэзö, райкомас и заседаннэсö некинкöt лоас чулötны. Да и оз ков сэтчин часто заседайтны. Деяносто процент нiя хозяйственнöй вопроссэзiсь, кöднö решайтлисö бюро вылын, колö решайт-

ны исполкомын — смелёя, ответственноя! Но, ме ог вермы этö керны, честнёя висьтала... А колхоз — эта менам кровнойö дело. И бригадирöн вöлі, и полеводöн, и сельсоветын председательöн. Двадцать центнерöн босьтлі урожайсö, көр полеводнас уджалі... Решитöма, Илларионыч: муна колхозö!

— Решитöмыс сія решитöм... А ме кинкöt кольчча?

— Действуйт составитöм планыт сьöрті. Звонит областьö, чирзы: «Караул! Кольччим райисполкомын председательтöг, адззат, мый керам — колхоззэс понда некинöс огö жалеитö. Öнi сетö миянлö кинöс-нибудь областнойö работниккезись»... Вот только менам, Илларионыч, öтик затрудненнё эм. Сэтöн уж тэ меным отсав...

— Мыйын затрудненнёыс?

— Иньö... Эг эшö баит ськöt. Ог тöд, кызд сія эта вылö видзötас. Варвара Фёдоровнаыс ачыс крестьянка, колхозница... Сэтöн вот мыйын делыс — некытшöм специальность сьлөн абу. Вöлі бы сія учительница либо врач — сразу адззисö бы сьлö местасö и уджаліс бы сэтчин деревняс, некин бы сійö эз көрит. А специальностьтöг — мый эд, ковсяс сьлö ыб вылын уджавны. А кызд инö? Мый колхозницаэс висьталасö? «Начальник-кезлөн иннезныс озö уджалö, а миянöс тшöктат!» Сія менам не старуха, не инвалид. Тридцать девятöй годин кольтаэз көрталікö рекорддэз сувтöтліс. И öнi, кызд петкötас менö асланым карчйөрö картошка кучитны, ме öтик ряд муна, сія — куимö. Но сёжö ог тöд, мый сія висьталас меным колхозыс йылісь. Характерыс сьлөн, ачыт тöдан, не ангельскойö... Давай öтлаын тэкöt баитам ськöt? Вот кин вылын проверит ассит агитаторскойö таланттэтö!.. Верман не висьтаваны, что ме ачым кор-

си колхозас. Висьтав, что этадз бюро решитіс и ежели откажитча — умоль меным лоас. Сэтөн сія, конечно, думайтыштас. Пондас, конечно, шумитны: «Ежели менчим Иванос колхозо, сэк и этийо кыз кынёма Курковсо ысто! И этийо дышкучик Коробкинсо!» Быдөнныс йылісь казмотас. Может, и тэно павкотас. Сідз баитчам: рытнас лок мияно. Ужнайтам отлаын. Сія любито, кор мияно госсез вовлоны, госсес дырни добройжык лоо.

* * *

Рытнас, Руденко квартираын, ужнайтікө, Мартынов ылісянь пидотіс руководящой колхозной кадррез крепитом йылісь басни.

— Тодан, Иван Фомич, кытшом ореллэз вөлісө колхоззэзын председателлес коллективизация первой годдэзо? Или, может, сійон, что ачим ме сэк вөлі зоночка, быдос отирыс меным кажитчисо богатыррезон? Не, былись, колхоззэзо председателлезнас сэк бөрйывлісө медбур сельской активисттэзос. Энтузиасттэз! Вожаккез! Организаторрез! Сыбөрын унажыксө ны коласісь пондісө выдвигайтны. Тэрмасисө выдвиженненас. Видзөтөны: э, нет, колхоз понда эта мортыс өддьон ни бур, колө сетны сылө уджсө ыджытжыкө. Районө сійө, областьө!.. «Өддьон ни бур»!.. Вот өнняя стариккезись-председателлезісь, көднө төдө быдос странаыс, унажыкыс видзсисө местааныс только сійон, что быднөж сопротивляйтчисө «выдвиженнёыслө» — скандалөдз! «Пырин шонит угөлокө? Он мөд быдмыны? Ответственностись полан?» Да кытөн жө унажык ответственностыс, кыз не колхозын, кытөн тэнат уджсянь зависитө благополучие не отік тысяча отирлөн? И разь быдмөмыс только сыын, медбы служебной лиснич кузя годісь годө

вылөжык кайны? Позьö быдöс олантö лоны бригадирөн и дугдывтөг быдмыны — сё буржыка и буржыка уджавны, унажык богатствооз босьтны муыссянь, наука, культура пыртны производствотоö!..

— Правильнöя баитан, Пётр Илларионыч, — согласитчис Руденко. — Армияын, баитöны, офицер дас год командуйтö батареяөн и сийö озö тэрмасьö сувтöтны полковöй командирөн. Кин жö бой коста нуötö враг кузя бисö, кыз не батарея? Вот сэтөн и колöны мастеррес! И сйа, эта офицерыс, сйдз пондас тöдны ассис делосö! Узьö ойнас, а горöt сылö: «Противник вот сэтчин, отметка вот сэтшöм!» — синнэсö осьтытөг правильнöя сетас командасö!

— Мыля жö, Фомич, мукöдлаас миян колхознöй председателлес умöльöсь? — одзлань баитис Мартынов, ачыс сетис чашкасö Варвара Фёдоровналö, кöда кисьтлис чай стариннöй, семейнöй, ведра-кык тöрик самоварись.

— Но мыля. Ачыт жö баитан — унаöс «ыджытжык» удж вылö сувтötисö. А мымда бур председателлес шедисö вийны Отечественнöй война коста, фронт вылын и партизаннэзын? Бур отирыс и фронт вылас эзö эд сайласьö опасность шогья, мунисö первöй ряддэзын... Сэтчö жö етша вниманнө сетлисö колхознöй кадрресö велötöмлö.

— Ме думайта, Фомич, чожа лоас сйдз, что колхозын председателльөн должность лоас деревняс медпочётнöйөн! — висьталис Мартынов. — Позорөн пондас лыддиссьыны, ежели морт оз понды вермыны уджавны председателльөн. Кыз жö сйдз: вöлин ыджыт масштаба ответработникөн, а народ оз доверяйт тэныт колхозсö? Нйя, кинöс мийö пондам рекомандуйтны председателлезö, не колхозыслись пондасö повны, а сысь, что нийö

сэтчин колхозниккес воронёйез вылын ыскөвтөтасө — озö бөрйö председателнасл!..

— Да, да! И эшö вот мый вермас шогмыны, кылан, мамыс? — Руденко павкөтис иньсö пельпонөттяс. — Кин öнi пыксö, оз бы мун председательö — керас ыджыт ошибка! Эта не кампания, эта делолөн конецыс оз тыдав. Крепитама колхоззэсö председателлезөн — кутчам бригадиррез бердö. Талун колхозись откажитчан — ашын тэныт бригада сетасö.

— Сидз и лоас, — шуис Мартынов. — Раз решитöма ни босьтны ыджыт посттэз вылись медбур работниккезöс и ыстыны нийö деревняö — джынтуй вылас огö сувтчö. И бригадаэсö пондам крепитны бур коммунисттэзөн.

Барвара Фёдоровна, сорок год гөгöрся женскöй, кöсыник, но паськыт пельпона, пемытвира, суровöй резкöй чужöма, сук съод синкыма, крутöй волевöй тшöкаа, шöралис нянь, тэчис розеткаэзö вареннё и спокойнöя нёджжалис Руденкоос да Мартыновос, кöдна «агитируйтöмөн» видзötисö сы вылö.

— А мый, мамыс, — кашляйтыштит да кижганкодь голосөн висьталис Руденко, кöда эз надейтчы, что пызансайся мирнöй баитöмсиныс мыйкö бур петас, — может, и меным босьтны колхоз?.. Мый миянлö, велötчыны деревенскöй оланас? Ась мөдиккез сысь полöны, а мийö деревняын чужим и быдмим. А?.. Кытчöдз абу сёр.

— Мыля «кытчöдз абу сёр»? — юалис Варвара Фёдоровна.

— Да вот, баитам, — кытчöдз деловыс эз лок бригада дынöдз.

И кöть Руденко полис, но нем особеннöйыс эз ло.

— Бригадаись полан? Эн пов! — макнитис

кинас Варвара Фёдоровна. — Тыдало, сылань деловыс муню, что чожа тиянло, сэтшом руководителлезло, колхозниккес и звеносо озю доверито. Курог фермасю озю доверито!..

Мартынов да Руденко видзотыштісö отамодныс выло.

— Мый тийо пессит, быдса час тшупит меным: «Колхозись председатель — медпочётной должность!», «Медбур коммунисттэзос колю ыстыны председателлезон!», Коробкинло, Жбановло баитю эта йылысь, да ны иннезло, белоручкаэзло, модницаэзло, кодна быд субботаю маникюр кероны!.. Думайтан ме, Иван, ог тод, что тэ согласитчин мунны колхозю?

— Тэ — тодан? Кысянь? Кин тэныт висьталіс?..

— Да тэ ачит быдос и висьталін.

Руденко только киэсö паськөтыштіс.

— Вот мыйон бур менам жоникю, — висьталіс Варвара Фёдоровна Мартыновло. — Гленитчас ко сыло кытшом женской, эшю оз и ешты керны грехсö, только думайтыштас, а ме тода ни — ойон узикас быдос висьтасяс. Или шогот эта сылон или, может, сьокыт сыло райисполкомас уджавны, юрвемыслю ыджытов нагрукыс, — ойбыт аслыс баитю.

— Да тэ меным, Иван, — перыта бергөтчис жоникыслань, — быдса неделя ни узьны он сет! Сийю только и кыла: «Ежели мийю огю босьтө этю делосю асланым киззю — кин жю сийю босьтас?..» «Мийю виноватось — миянло и веськөтны ошибкасö». Эта сидз! Тиянло веськөтны. Тэ татон райисполкомас квать год пукалан, быдөннысся дыржык. А уна я пользасю сетін колхоззэслю? Тиян киззын и власть и законнэз, да мыйкю не оддьон тиянос кывзюны. Заседайтат, постановленнээз ги-

жат, телефонограммаэз ысталат, да только быдос этагырын ва масьтом ылө вачкисьö! Кин жö пондас тыртны тиянлись постановленнөэсö сэтшöм колхоззэзын, кыз, шуам, «Рассвет», кытчö мянөс, городской домохозяйкаэсö, арнас ыстылит свёкла дзимлявны? Эта ылөстөм Анучкиныс? Нылөн не шалашез абуось ыббез вылас, не ва озö кайөтлө, озö заботитчö отырыс йылись, негодяйез. Тиян постановленнөэзись цыгаркаэз каттьоны. Гижат нийö, пессят — кин понда? Бездушнөй чурка пукалө председателськөй стул вылас, самогонөн шуч боссьöма. Чышкыны нийö сэрпось росөн, сэтшöм паразиттэсö, колхознөй олан разоритиссесö! А тиянлө аслыныт — ны местö пуксьыны... Мун колхозö, босьт, кöда умөльжык, может, совестьыт лөнсьяс, ойзнас буржыка узыны пондан.

— А тэ? — юалис Руденко, кöда сө эшö не öддьөн веритис, что иньыс сэтшöм чожа согласитчис.

— Висьталі — мун. Бур туй тэныт! И меным оз ло инькаэзсянь стыд. Мунан базарö курөг небны и кылан, кыз колхозницаэс баитöны: «Вон Руденчиха, председателсьша, ветлөтö, госажык курөжөкөс кошшö. А мыйсьянь нылö госаэзнас лоны, коли вердны немөн».

— Но тэ мунан мекөт колхозас? — бөра юалис Руденко.

— А мый, думайтан, развод босьта?.. Медбы тэ сэтчин кытшöм-нибудь томыник звеньевөй ылын гөтрасин?

— Мунан? Но, видзöt... Висьтала тэныт, Вара, что меным, кыз колхозись председателсьлө, небытшöм лоас мөдиккезсянь дисциплинасö требуйтны, менам иньö оз кө понды ыб вылас ветлыны. Тэнат эд сэсся некытшöм специальность абу. Сэтчин тэныт ковсьяс физическөй удж керны.

— А эстён ме кытшом удж кера, умственнөйö я мый я? Вешьяннэтö тэныт песлала — юрнам?.. Рыжой чорт! — лөгасис вöлись Варвара Фёдоровна (Руденколөн юрсиыс былись вöли девяносто шестой пробаись золото рёма). — Кинсянь кыла физическөй уджыс йылись! Повзьöтлö менö! А гортаным кин этö физическөй уджсö керö? Тэ я мый я, заседатель? То ния, киэс! — пуктыштіс ас одзас пызан вылö, ки долоннезнас вывлань, ыджыт, вына, гыжьялём да гадьялём киэсö. — Вот! А тэныт ассит гаддетö и мыччавны небытшöм — не сія местаын... Кин төвбытөн дас кубометр пессö поткötіс? Петас асывнас, поткötас öтiк чурка и пондас ружтыны да ойзыны: «Ой, косö висьö, почкаэзö, седалищнöй нерввез, радикулит». Совсем дышмит, не морттэзөн лоит шоныт кабинеттэзаныт! Сарайсö тольнас кин вевттис? Тэ я мый я? Кин гу ямасö гарйис? Кин картошкасö гарйис да ваяліс?.. Сэтчин ыб вылас, колхозас, кöть отметитасö менчим уджсö. Ме сэтчин эшö не öтiк рекорд сувтöта! Может, орден заслужита. А эстён лунтыр коян öтмөдөрö, кыз шардём, и некин тэнчит уджтö и грошö оз пукты. Кöть бы көркө шыдсö менчим ошкин: «Но, Варя, молодец, шыдсö талун чöскыта пуöмыт!..»

Мартынов гажөн лэбтыштіс пельпоннэсö.

— Фомич, мый жö эта лоö? Полін — мый висьталас Варвара Фёдоровна?.. Аслат иньліс настроеннэсö он төд!

— Кытісь сылö төдны менчим настроеннэсö, Пётр Илларионыч! — көритөмөн висьталіс Варвара Фёдоровна. — Ме вунötчи ни, көр мийö сыкöt бытшöмика, сьөлөмсянь олан йылісь мый-нибудь баитім. Асывнас муно одз, локтö сөрөн, либо книжка лыддьötö аскötтяс, либо узыны. Петас

правительстволөн кытшом-нибудь постановлен-
нё — колхоззээо мунат, собраннёз чулөтат, а
миянкөт эна делозз йылись одо баитө. Но, мийо и
асьным грамотнойоь, лыддьотам газетаэз, ве-
жортам, мый оланас керсьо... Может, тийо думай-
тат, мянөс, иннезнытө, оз интересуйт, мый тиян
районас керсьо? Огө төдө, кинөс мый понда кри-
тикуйтісө? Сьолөмным оз вись тиян понда? Огө мө-
дө тиянлө отсавны? Эх тийо, умниккез-разумник-
кез!.. Мунам колхозө. Только өтік менам Иванөн,
Пётр Илларионыч, одо петө. Сэтөн уна ёрттэзлө
заседаннёзсянь геморойез да ишиассэз спокой оз
сетө. Сэтчин сэтшөммесө, деревняө! Одзжык чеч-
чыны, подөн ыббез вылөт ветлөтыштны — свежөй
воздух вылас чожа быдөс шөгөттэс чулаласө!..

Прощайчикас Мартынов юалис Руденко инь-
лись:

— Сёжө висьтав, Варвара Фёдоровна, мыля
тэ лыддян, что мийо умөля руководитам район-
нас?

— А мый — бура? — вызовөн видзис ответсө
Варвара Фёдоровна. — Кыныма тиян сэтшөм кол-
хоззэс, кытөн и таво трудодень вылас сетасө грам-
мез? Ме видзөті сводкасө. Да көр ни эта оз ло?
Позьө разь этөн миритчыны, ась даже только өтік
колхозын кольччас сэтшөм безобразиеыс? И сэт-
чин эд — ловья отир! Лыддят, шөрөтөн районас
сеталисө сымдаөн. Этө позьө висьтавны сідз: вот
ме, шуам, ола өддьөн бура, а менам соседкаө, дө-
ва, нездоровөй, өддьөн умөля, — сідзкө, позьө лыд-
дьыны, что шөрөтөн мийо соседкаөкөт олам бура?
Не, чужөй юбкаөн ассит куш вывтыртө он вевт-
ты!.. Сентябрьскөй Пленум видзчисит! Öні толь-
ко казяліт, пондөтчат ыставны колхоззээо бур
отирөс. А одзжык мый йылись думайтіт? Асланыт
юрөн эдө вермө этаөдз локны?..

— Да кыз бы тэныт висьтавы, Варвара Фёдоровна, — паныт горётчис Мартынов, — ежели бы мийё одзжык керим сійё, мый мёдам вот öнi керны, миянös, вермис лоны, шуисö бы загибщик-кезөн. Да и öнi ог тöd эшö, мый лоас.

Руденко петис кольлавны Мартыновös ворота сайö.

— Но, мый, согласитчис эд, тыдалö, Варвара Фёдоровнаыс, — висьталис Мартынов.

— Согласитчис!..

И кыкнанныс пондисö серавны сэтшöм горөн, что паныт керкуын оссис öшын фортöчка и кин-лөнкö любопытнöй юр мыччисис видзötны: кытшöм сэтчин, райисполкомись председатель квартира дынын, ойшөрнас гажötчöм?..

II

Районнöй партийнöй актив собраннё вылын Мартынов даже эз используют регламент сьöрти сылö сетöм двадцать минутасö — докладсö керис семнадцать минутаөн.

— Сентябрьскöй Пленумлись решеннёсö тийö быдөнныт лыддьötит. Абу некытшöм необходимость мöдпöv ны йылись висьтасыны. Умöля мийö тыртам Пленумлись решеннёсö. Онödз эгö тыртö главнöйсö: быдös колхоззесö эгö крепитö бур кадрезөн. Давайте думайтыштам, кыз этö керны. И керны öнi жö, мед сэсся öтик лун не öштыны. Вот колхоззез, — Мартынов лыддьötис список, — кытөн, кыз мийö думайтам, председателлесö колö вежны.

Сия висьтасис собраннёыслö, кытшöм положеннёодз локтöма колхоз «Борьба».

— Кин вермас сувтötны сэтчин порядоксö? Чорыт киа морт, решительнöй, колхознöй строи-

тельство делолö преданной, честной, настоящей коммунист. Сы отсөтөн мийö бурсыöтам сэтчин и партийной организациялсь уджсö.

— Вашöтны колö быдөннысö, кин дзугö уджсö! — кылисö залсь голоссэз.

— Мыйлö ния лякасисö партияыс бердö?..

— Рядовой удж вылын нийö проверитны — достойнойöсь я ния шусыны коммунисттэ-зөн?

— Давайте сразу кутчам дело бердö, — шуис Мартынов. — Решеннелись проект гижöм понда бöрьям комиссия и ась эта комиссияыс, ыджыт посттэз вылö видзöттөг, висьталас: кинöс мян партийной активись колö пыркежö ыстыны уджавны колхоззэзö. Комиссияö предлагайта бöрйыны: Опенкинöс, Руденкоöс, Готовöс, Медведевöс... — Мартынов висьталис эшö колхоззэзись куим председателёс, районной газетаись редакторöс Посоховöс, Олешенской МТС зона сьöртi райкомись секретарьöс Киселёвöс, Надеждинской МТС-ись виль директорöс Долгушинöс.

Голосуйтисö.

— Чукöртны комиссиясö ёрт Опенкинлö. Кытчöдз керам сорок минута кежö перерыв. Ылö эд муно. А сыбöрын пондöтам пренияэз, проектис сьöртi ни. Не сiдз, кыз овлö пыр? Но, мый керам, не пыр эд собраннёэсö чулöтны öтмоз: перво доклад, сыбöрын пренияэз, сыбöрын заключительной слово, сыбöрын резолюция. Нем умöльыс оз ло, ежели перво лыддьöтам проект, а сыбöрын пондöтам пренияэз. Пондылам сiдз. Ог я сократитö кадсö?..

— Эх, — шыннйаликö креслоö пуксьöм бöрын висьталис Опенкин, көр комиссияыс мунис залсис торья комнатаö. — Мымдаись ме участвуйтли сэ-

тшом комиссиязас, но они, думайта, что резолюциясо понда гижны съолөмсянь! Вөлись дело бердө кутчим!

— Одобрайтан, Христофор Данилыч? — юалис Мартынов Надеждинской МТС-ись директор Долгушинлись.

Долгушин, чуть дзормыны пондом съод юрсиа, лэчит цыганской синнеза (кинкө родас сылөн вөлөма цыган), рожабан вылас пыдын шрамөн, мыйсянь омыс невна пиньөвтчөма, чөвтис пиджаксо, аккуратнөя өшөтис сийө стул спинка вылө, лэбтыштіс гладитөм шелковой йөрнөс соссэсо да пуксис пызан дынө.

— Быдсөн одобрайта, Пётр Илларионович! Ме, МТС-ись директор, отвечайта не только аслам тракторной парк понда — отвечайта миян зонаись быдөс колхоззэс понда. Отвечайта даже унажык, нежели тэ, райкомлөн первой секретарь — и уголовной порядокын. Дак сетө меным колхоззэзас бур председателлезөс, көдна вылө ме верми бы надейтчыны!

— «Меным сетө», — гусьөн висьталіс пель одзас Глотовлө Медведев. — Видзөт тэ! Министерской привычка. Сія, некө, думайтө руководитны колхоззэзнас приказзэзөн, а председателлесө керны аслас отсаліссезөн.

— Гиж, Демьян Васильевич, — пондіс диктуйтны Руденко. — «Партактивлөн собраннө лыддьө коланаөн, медбы чожажык тыртны КПСС ЦК сентябрьской Пленумлись решеннөэз, мукөд руководящей өрттэзөс ыстыны отстающей колхоззэзө... Собраннө примитө сведеннөя өрт Руденколись заявленнө сы йылись, что сія желайтө пыркежө мунны уджавны председательөн көть кытшөм колхозө»...

— Вот эта здорово! — радөн горөтис Глов.

— Сідз, сідз, Фомич! — юрсö мышкыртöмөн кырлаліс бумага вылöt пероөн Опенкин. — Вöлін колхозникөн — и бöра колхозö. Öддьөн бур! Давай, давай! Босьт «Вехи коммунизма». Лоам соседдэз... Соревнуйтчыны пондам!..

— Мый менö тшöктіс мунны уджавны колхозас, ме висьтала ёрттэслö собраннё вылын, — шус Руденко. — Гиж одзлань.

— Гиж, — пондіс диктуйтны Мартынов. — «Собраннё сідзжö лыддьö, что дело польза понда коліс бы пыркежö мунны уджавны колхоззэзö коммунисттэзлö»... Посохов! — бергötчис сія районнöй газетаись редактор дынö. — Фотоаппарат дынат? Пондам фотографируйтны доброволецесö и ойнас жö — номерö. Быдöс ашынся номерыс доброволецез йылісь!.. «Коліс бы мунны ёрттэзлö...»

Невна думайтöм бöрын Мартынов и комиссияись членнэз пондісö висьтавлыны фамиллэз. Списокö шедісö райком отделлэзөн заведующöйез Жбанов да Быстров, горсоветіс председатель Скуратов, райпрокурор Нечипуренко, райфоөн заведующöй Курков, райпотребсоюзіс председатель Тюлин, милицияись начальник Сазонов, Госбанкись директор Щукин, ликёро-водочнöй заводіс директор Юрьев, райисполкомись председательлөн заместитель Федулов, судья Грибов, комсомол райкомись секретарь Рыжков, сельскöй строительство отделөн заведующöй Коробкин, урожайность определяйтöм сьöрти инспектор Бывалых, мясокомбинатіс директор Корягин, районоөн заведующöй Плотников и партия райкомись инструктор Николенко.

— Дак доброволецес мян öксисö унажык, нежели колö, — висьталіс Опенкин и список увдöрас кырöвтіс черта.

— Доброволецез? А тэ эн шутит. Вот бантам ныкөт сьөлөмсянь — и лоасө доброволецез.

— Унажык, нежели колө, эта не беда — запасын лоасө.

Эшө өтпыр видзөтисө списоксө. Опенкин, фамиллээз лыддьөтикө, быдыслө сетлис дженытик, но меткөй характеристика.

— Жбанов... Неврастеник. Оз куж спокойнөя отирыскөт баитны. Колхозницаэс шумитөны, а сия эшө өддьөнжык. Кытшөмкө сия вөсниткоскаа, эна остфризскөй бруцеллезнөй мөссэз кодь. Вермас я деревняас овны шоньт уборнөйтөг? Пуксяс төв вылө — и лёгкоэзлись воспаленнө кутас... Щукин — бур лоас! Госбанкө директорнас колхознөй бухгалтеррезись петис. Сия колхознөй финанссэсө төдө! Берегитны пондас колхознөй копейкасө. А менө бы — сы местө, Госбанкө. Вот бы ме жмити сийө безналичнөй расчөттэзөн!.. Сазонов. Сийө важын ни колис ыстыны председателён! Көркөся тракторист, и колхозын председателён уджалис, майор, Славалөн куим орден, — мыйлө сия война бөрын пырис милицияас? Ме не өтпыр адззывлі: казялас виль трактор, дизель, быдос дрөжитө — сэтшөм охота сылө му гөрны!.. Юрьев. Етша овлөны сэтшөммес. Ликөро-водочнөй заводись директор и оз ю. Только кресенняэзө өбед одзын — перцовка сто грамм. Сэтшөм чорыт характерреза морттэсө унажык бы колхоззэзас!.. Коробкин. Но мыйлө этө пустозвонсө? Колхозас эд уджавны колө. А сылөн кыз оланьс чулалө? Райисполкомьн сы понда мөдиккез уджалөны, а сия — вечнөй уполномоченнөй. Безответственнөй занятие. Ветлөтө колхозись председатель сьөрын и зильө: «Колө жмитны! Мобилизуйтны! Вынсьөтны!» А запретит сылө лёбны, иньдөт сийө отир ко-

ласо, тшөкты асьсө мобилизуйтны отирсө — сйя кӱздас эд, кыдз мороз вылын пасьтӱм!

— Кытчӱдз колям сйӱӱ списокас, медбы проверитны — мый сйя ачыс эта йылысь висьталас, — шуис Мартынов. — Колӱ жӱ миянлӱ кӱркӱ и маскаэсӱ чӱвтны мукӱд «активисттэс» вылысь. Кык кӱчӱс виям.

— Судья Грибов. Дядька толковӱй. Спокойнӱй. Видзӱтӱ мортыс вылӱ — шучкӱп сйӱӱ адззӱ. Партияын двадцать год. Вежӱртас, что ӱни быдӱнныслӱ колӱ передовӱй линия вылӱ мунны. Коммунисттэз — одзлань!.. Рыжков. Конечно — колхозӱ сйӱӱ! Сэтшӱм том зонкалӱ ӱнисянь пукавны канцелярияын? Колӱ эд и практическӱя уджалыштны, свежӱй воздухӱн лолалыштны. Комсомолас эм вторӱй секретарьыс? Вот вторӱйыс кытчӱдз и кольчас сы туйӱ... Бывалых. Да-а... Партиялӱн «солдат»... Меным сы йылысь висьтасисӱ миян соседдэз, черемшанса. Сйӱӱ ӱтпыр нуӱтлӱсӱ ни колхозас, кӱр сйя ны районуын уджалӱс. Дак сйя мый висьталӱма сэтчин собраннӱ вылас! «Но мый, — шуӱ колхозниккеслӱ, — ме партиялӱн солдат, подчиняйтча райком решеннӱлӱ. Бӱрйӱ менӱ председателӱн. Зарплата пондат вежтыны тйӱӱ, колхознӱй кассаись, а сельскӱй хозяйствосӱ ме ог тӱд, не специалист, колхознытӱ тйянлӱсь абуӱдз вайӱта, этасянь деньгаыс, может, только менам зарплата вылӱ и тырмас». Эзӱ бӱрйӱ. Ухарь! Не специалист. А миян дынӱ локтӱс урожайность сьӱртӱ инспекторӱн уджавны. Кыдз жӱ сӱдз? Правильнӱя определитны урожайность, кӱр сюзэ эшӱ абу дзимлялӱмӱсь — ыджыт специалист колӱ!..

— Тожӱ колям, медбы проверитны, — Мартынов керис списокын отметка.

— Федулов...

— Эта оз ков, — висьталіс Мартынов и быдос комиссияыс ськөт согласитчис. — Сэтөн нем ни проверяйтны. «Борьбаын» дорйис воррезос. Партияись пондам вашотны! И решеннёсö публикуйтам газетаың. Мыччалам быдөнныслө, что, кызд чумасянь, колö бережитны колхоззэсö сэтшөммезсянь, көдналөн киэзныс сэрпөсьось!..

...Көр лыддьотисö партактив решеннелісь проект и список коммунисттэзөн, көднійö колö пыркежө ыстыны уджавны колхоззэсö, Дом культуры залас, кытөн тыр пукаліс отир, куим минута гөгөр некин шы эз сет. Первөйөн лөньсö дзугис районной прокурор Нечипуренко.

— Сі-ідз... — нюжөтіс сія несөстөм голосөн, кызд бытьтө горшас сьлөн мыйкө сибдіс. — Сідзкө, ликвидируйтам райцентр? Отлаын сэтөн и юстиция органнэз? Коммунизм дынө локтім? Государство отмирайтө?..

— Вот өні пондөтам пренияэз, — Нечипуренколө ответ сеттөг висьталіс Мартынов. — Эм мый йылісь баитны. Не вообще пондам баитны сельской хозяйство лэбтөм йылісь, а решитам эстөн, мый мийö долженось керны эта лэбтөм понда. Керны асланым уджөн, киэзөн, а не кылөн.

Пондіс баитны Руденко.

Сія төдчөмөн волнуйтчис, — не полөмсянь ыджыт собраннө одзын, стоись выступайтліс сія речезөн сэтшөм собраңнөэс одзын, — а сысянь, что вежөртис эта минуталісь важностьсö, аслас примитөм решеннелісь важностьсö, а сідзжө сысянь, мый сія мөдіс висьтавыны эстөн районісь партийной активлө.

— Ме, ёрттэз, действительно, ачым, райком бюро принужденнөтөг, висьталі аслам желаннө йылісь мунны уджавны колхозö председателён, — пондөтіс сія. — Мый менө тшөктис?..

Ежели бы ме эстён понді баитны тiянлө, что ме нам мыла бырис овны городас, өддьөн охота городсис мунны деревняө, что ме радөн муна колхозас — эта вөлі бы бөбөтчөмөн... Қхм, кхм... — Қашляйтыштіс, юис стаканісь ва.— Ог төд, кыдз год-мөд бөрті, может, сэк менө и клещиэзөн одө кыскө колхозсис, көр сэтчин кера өтікө-мөдікө тыдаланаө, но өні, висьтавны честнөя, ачым ачы-мөс кыска сэтчин сивиөттям.

Районнөй газетаись редактор Посохов, көда неумөля кужис рисуйтчыны, сэтөн жө чожа керис «Колючка» понда дружескөй шарж — Руденко өт кинас кыскө асьсө сивиөттяс, мөднас асьсө жө тойыштө спинаас одзлань туй кузя, кытөн сулалө столб, а столб вылас стрелка-указатель мыччалө: «Колхозө!» Вит минута бөрті рисунокыс өшаліс ни фойеын фанернөй пөв вылын, медбы перерыв коста видзөтісө быдөнныс.

Руденко баитіс одзлань:

— Веськыта висьтавны, не сэтшөм ыджыт удовольствиеөн муна колхозас, кыдз теща ордө блиннэз сөйны. Ме эд муна не «Власть Советов», не «Красный Октябрь» колхоззэзө, кытөн быдөс бур, а өтікө сэтшөм колхоззээзісь, көдна йылісь баитіс эстөн өрт Мартынов. Ковсяс уджавны өддьөн напряжённөя. Ме бура вежөрта, кытшөм сьөкыт лоас. И адзза, мый колө керны, медбы лоис кокнитжык. Лэбтыны колхозниккезлісь материальнөй заинтересованность — и дело пондас мунны, пондас машина бергавны. Но сы понда, медбы поставкаэз бөрын колхозас кольччис уна нянь, колө быдтыны ыджыт урожай. А ыджыт урожайсө позьө босьтны сэк, көр отир өддьөн бура уджаласө год, и пондасө веритны, что нылөн уджныс весись оз өш. Но ния колхоззэзын, кытөн мийө өддьөн дыр руководство дынас видзим без-

дельниккезёс, отир дугдисё веритны трудоденьё, этасянь и уджалёны умёля. Адззат, кызд дзугсьома делыс. Сійё колё ловзётны, трудоденьё этё веритёмсё! Мёднёж мийё огё вермё лэбтыны сэтшём колхоззёсё!.. Дак вот, мыля жё ме, ёрттэз, кётъ и адзза трудносттез, решиті мунны уджавны отстающой колхозё? Да сійён, что ежели мийё сентябрьской Пленумлись решеннёэсё пондам только изучайтны мян партсобраннёэз вылын, эта етша. Разъяснятны нійё колхозниккезлё — делыс ёддьён колана, но и эта етша. Этадз позё культурниккезё пёртчыны, ежели постановленнёэсё только лыддьётны да разъяснятны. Партия ЦК-лись энё решеннёэсё колё тыртны!

Руденко дугдис волнуйтчыны, голосыс крепамис, лоис гора, кыввес усялісё залас сьёкыта, убедительнёя.

— ЦК Пленумлён решеннёэс — прекраснёйёсь, быдённыс колхозниккес этё вежёртёны. Но аскёттяныс думайтёны: Москваыс бура решайтё, да вот мян районной руководителлес озё я умёльё сюрётё? Озё я орсё мянкёт тшыкём телефонён? Тодат сэтшём играсё? Кытчёдз кыв первой морт дынсянь локтас медбёрьяыс дынёдз — кылыс не сія ни, кёда вёлі перво висьталёма. «Быдёс эта, — думайтёны колхозниккес, — пыдына вёрзётіс мянлись сёлёммезнымёс; а вот нылісь, мян деятеллезлісь, вёрзётіс я? Вермасё я нія тыртны сійё, мый партиялён ЦК корё нысянь?» Дженытика висьтавы, сентябрьской Пленумлён решеннёэз дынё колё эшё, медбы отир пондисё веритны мянлё, местной руководителлезлё, что мийё кутчам делыс бердё серьёзнёя. Что мянлё тожё, кызд и нылё, кинёс вердё муыс, ёддьён охота, медбы отік колхозын эз вёлё ыббез вылын нетыра шеппез, пустой амбаррез, пустой трудоден-

нез! Аслат медматісь руководительлө, сы партийной душалө веритөм — великөй дело! Этаянь и трудовөй подъём, и урожай — быдөс! Колө районас медвидной отирлө мунны колхоззэзö!.. А сы йылись, оз я обидит мянөс, районной масштаба ответработниккөзөс, районись лэдзчыны селоө, ме сідз думайта: талун сия масштабыс медыджыт и медпочётной, кытөн медсьөкыт!

Собраннёыс, көда вылын уна вөлісө низовөй колхозной работниккөз, кольлаліс Руденкөсө гора аплодисменттэзөн.

— Сідз видзны! — горөтіс места вывсянь «Красный Октябрь» передовөй колхозись председатель Гушин, отставкаын моряк, первой статья-ись старшина, көда участвуйтөма Севастополь оборонаын. — Правильнойөсь кыввет, Фомич! Босьтө, ёрттэз, сысянь пример, эд полө!

Первой ряддэзын чеччис 1918 годсянь коммунист Поликарпов, пенсионер, өддьөн пөристь старик, — вот сійө деревняө ыстөм йылись вопросы некыз ни эз павкөт.

— Ёрт Мартынов! А сөжө тэ эн сет государство отмирайтөм йылись ёрт прокурорлө ответсө. Кыдз мийө пондам овны исполкомись председателътөг, милицияись начальниктөг? Совсем я мый я ния озө лоө?..

Недыр чөлөмын, көда лоис Поликарпов вопрос бөрын, бытшөма кыліс голос урожайность определяйтөм сьөрти инспектор Бывалыхлөн, көда пукаліс кытөнкө шөрас:

— Анархизмлөн народничествокөт помесь...

— Сідз, пондөтчө, — гусьөник висьталіс Мартынов Руденколө, көда пуксис аслас местаө президиум пызан сайын, и чеччис.

— Мый баитан, Бывалых? Этө тэ решеннө проектыс йылись?.. Не, народничествоыс сэтөн не

при чѐм. Народкѐт связзез крепитѐмыс — эта не народничество, сїя смыслын, кыз мийѐ тѐдам сїйѐ партия исторіяись. И некытшѐм анархизм сѣтѐн абу. Ме эд эшѐ эг висьтав, кыз мийѐ думайтам мѐднѐж сувтѐтны кадрресѐ. Районной учрежденнѐсѐ мийѐ огѐ лѐсьѐтчѐ ликвидируйтны, мийѐ пондам крепитны нийѐ. Анархизм сѣтѐн абу... А вот меньшевизм, ѣрт Бывалых, — карандаш, кѐдѐ Мартынов бергѐтліс чуннезас, кажнитіс и чегис, — меньшевизм коліс бы уськѐтны тѐдвылѐ. Большевиккез отличайтчисѐ меньшевиккез дыніс сїйѐн, что меньшевиккес только лѐбисѐ революцияыс йыліс, а большевиккес сїйѐ керисѐ!..

— Дак эта эд революция йыліс вѐлі висьталѐма, — кыз нем абу и вѐвлѐма гора кыз голосѐн шуис Бывалых.

— Революция йыліс, да... А ѐні, кѐр революцияыс бѐрын чулаліс тридцать шесть год, тѣ лыддян, что лѐбѐмыс да делоыс коласын некытшѐм разница ни абу?..

Комсомол райкомись секретарь Рыжков, кѐда ѐддѐн бура волнуйтчис сїя минутасянь, кыз решеннѐ проектын кыліс ассис фамиллѐсѐ, перыта чеччис, лѣбтіс кисѐ.

— Позьѐ меным, ѣрт Мартынов?.. Революцияыс вѐлі важын ни, ѣрттѣз, ме сїйѐ ог тѐд. Мѐднѐж висьтавны, ме сѣк эшѐ эг и вѐв, кѐр чулаліс революцияыс. Но ме думайта, что и менам поколеннѐлѐ уджыс кольчис неетша... Меным двадцать пять год. Менам айѐ вѐлі подпольной стажѐн коммунист. Менчим пѐрисьжык кык вонѐс вийисѐ Отечественной война вылын. Но разь нїя быдѐс керисѐ ме понда?.. Раз партия требуйтѐ, медбы миянлѐ ѐні лоны передовой линия вылын, кытѐн сьѐкыт, колѐ мунны! Ежели колхозниккес озѐ доверитѐ меным колхоз, пондасѐ шуны, что том эшѐ,

босьта бригада. Қора лыддыны менё доброволецөн!..

И көр залын дугдисё аплодируйтны, Рыжков, гажөн шынныяликө, бергөтчис президиум дынө:

— Но, мый, талун эг баит унажык сысса, мымда пунктөма регламент сьорті? Спартанскөя баиті?

— Дженыта и ясныя! — кылісё залісь ошкан голоссэз.

— А сы йылісь, кин лоас менам местаын райкомас, ме ог беспокоитчы. Заместителлес эмось. Да ежели бы ме талун кулі, адззисё бы ме туйё мортсө?..

— Эн кув!

— Ов, Вася, сто год!

— Миян дынө сійө, Пётр Илларионыч, «Восходё», парторганизацияё секретарьён! Сія петіс ни комсомольскөй годдэзсис.

— Сулалө, ёрттэз! — лэбтіс кисё Мартынов. — Кинөс, кытчө — этө мийё сыбөрын ни решитам, бюро вылын. Медбы вөлі вежөртана, ме висьтала, мый мийё думайтам районной учрежденнэс йылісь.

Сія висьталіс собраннёлө ассис плансө, сійө, мый йылісь баитіс ни Медведевлө да Руденколө: кызд сія пондас корны обкомын кадррез, сы бөрын ни, көр колхоззэзё ыстөм быдөс ёрттэсө бөрьясө сэтчин председателлезөн.

— Но ежели, шуам, кытшөмкө местаө миянлө озө сетө областись мортсө, былль баита, адззам асланым ёрттэз коласісь, кин миян эм. Унаён сьөкытжык, — доказывайтіс Мартынов, — адззыны колхоззэзё бур председателлезөс, нежели тыртны нійө пустой местаэсө, көдна лоасө районной аппарата. Места святөй оз ло пустөй!.. Но, вот босьт-

ны көть бы тэнö, Андрей Семёныч, — юалис сiя прокурор Нечипуренколiсь. — Кыным год тэ уджалан районас?

— Вит год, — дузгыльтчöмөн висьталiс прокурор. Сiя, гырдызаэзнас пидзöссэзö пыксьöмөн, юрсö öшötöмөн, кусiнътчöмөн пукалiс стул вылын, тыдалö, сьöкыта и напряжённöя думайтiс партактив решеннё проект йылись.

— Сiдз, вит год. А мымда тэ эна вит годiсь быдкодь кампанияэз коста олин колхоззэзын уполномоченнöйөн? Да кум годся не етшажык!

— Не етшажык, — ныр увтас бобгыштiс Нечипуренко.

— Но тэ эн эд öшötлы прокуратура вылö замөксö, көр мунлывлiн колхоззэзас? Кин тэ туйö уджалiс? Аппарат, заместитель. Дак, может, кинкö тэнат отсалiссезiсь тэнö и совсем вежас? Да и институтэс миян быд годö лэдзöны том специалисттэзöс, öтлаын сэтөн и юридическöй вуззэз. Может, кытшöмкö том прокурор локтас тэнат местаö. Но кинлö жö, кыз не тэныт, важ районциклö, мунны колхозас? Бура тöдан районсö, ачыт крестьянаись петiн, сельскöй хозяйствосö тöдан не умöльжыка агрономся, пятнадцатьгодся стажөн коммунист. А кытшöм эффектис лоас, вежорт! Сэтөн колхозниккес висьталасö ни: да, крепыта кутчöны миян руководителлес сельскöй хозяйствосö лэбтöм бердö — нельки прокурорöс иньдötисö колхозö председательөн!.. И сэтчö жö тэныт, Андрей Семёныч, былись колö ыркötчыштны. Ныжмисö тэнат и синнэт, и чутьёйт. Колö тэныт, кыз Антейлö, павкötчыны му бердö, мед öктыны вын. Ме настаивайта, мед тэ мунiн председательөн именно «Борьбаö». Сэтчин тэ адззылан и ассит уджтö, көдö нуötiн законнэсö дорян пост вылын. Сэ-

тшөм делоз адззылан, что тэын сразу двести процент вылө содас и лөг, и энергия, и бдительность, и стремленнө мунны одзлань!..

Нечипуренко веськөтчис, валитчыштис стул спинка вылө, видзөтис стенаэз, потолок, кинас чышкис ва кымөссө, сьөкыта ловзисис, но Мартыновыслө эз сет некытшөм ответ.

Пренияэз мунисө одзлань.

Райкомись орготделөн заведующой Быстров сідз жө дженыта, кызд и Рыжков, висьталіс: «Колө дак колө, муна», рекомендуйтис аслас местаө заместительос инструкторрезись и только корис, мед иньдисө сійө сэтшөм селоө, кытөн эм десятилетка, сійөн что сылөн куима челядыс велөтчөны старшой классэзын.

Судья Грибов висьталіс:

— Ме, ёрттэз, судьялись профессиясө бөрйи случайнөя, ог вермы висьтавыны, что эта уджыс менө интересуйтис. Просто охота вөлі демобилизуйтчөм бөрын эшө велөтчыны. Не том ни вөлі, но сөжө решиті получить законченнөй образованнө. Велөтчыны ме верми только заочнөя — фронт бөрас кык год сьөрна куйлі, лечиті ранаэзос. Думайті, может, пыркежө кольчча калекаөн. Этасянь и бөрйи сэтшөм специальность, көда дырни оз ков уна ветлөтны. Да и юридическөяс кокнитжык вөлі поступитны. А өні ме здоров, ветлөтны ыббез вылөттяс верма. Миян участокись делозсө позяс кытчөдз сетны вторөй участокись судьялө. Конечно, уджыс миян уна, сьөкытөв лоас өтیکыслө. Но ме думайта, что ежели өддьөнжык пессыны преступностькөт сэтчин, кытчө мунам, быдлаын вашөтны колхоззэзись ворресө, татөн следователлеслөн да судьяэслөн уджыс лоас етняжык. А колхознөй делосө ме төда. Война вотөдз вөлі сельскөй райкомын инструкторөн. Да и фронтыс унаө

велөтис — батальонн командуйти. Думайта, что и колхозас верма уджавны.

— Но, сэтөн, ме думайта, мийö өддьөнөв ни көстам, — висьталис Глов. — Кыдз жö сідз? Судья — эта эд должностыс выборной, сийö народ бөрийс, тайной голосованнён!..

— Ничего, мөдикөс бөрьям! — залис сетисö сылө ответ.

— Тожö тайной голосованнён.

— А райисполкомись председательлөн должностыс разь не выборной?

— Руденкосö не тайной голосованнён бөрийим?

— Ничего, позьö, ыстө и судьясö!

— Желаннён мунö мортыс — бур лоас председатель!

Кыв корис одззася районной агроном Филатов, көдö эшö месяц бөрлань иньдөтисö уджавны Ворошилов нима ылис колхозö (кытчö сия өддьөн бы эз мун).

— Вот тэ, ёрт Мартынов, мөдикес йылис правильная решайтан, а ассит иньтө ыстін уджавны пригородной колхозö, веськыта кө висьтавыны, горт дынис орөтчытөг: мунны районной центрсянь часджын дырна — кокнитик прогулка. А мыля бы сылө не мунны агрономөн-садоводөн «Память Ленина» либо «Рассвет» колхозö? Сэтчин, сэтчин, ылөжык, сорок километр сайö! Сэтчин саддэс тожö ыджытөсь. Кыдзкө неөддьөн бытшöма петö. Отир байтöны...

Сылө ответсö сетис Марья Сергеевна Борзова, Семидубовской МТС-ись парторганизациялөн секретарь:

— Нем озö байтö отирыс, ёрт Филатов, этö тэнат выдумкаэз! Кыдз жö керны мөднөж? Ёрт Мартынов уджалö райкомын секретарьөн, олө та-

төн, а иньсö ыстыны «Память Ленина» колхозö? Разьны семья? Татөн как раз сылö и местаыс, пригородной колхозын. Быдөнныс вежортöны, что моднёж нылö оз позь керны. И уджалö Мартыноваыс бура, колхозниккес сьён довольнойöсь.

Мöдик агроном-коммунист, «Передовик» колхозись, Сычев содтис :

— Демагогия! Эз бы ков тэныт, ёрт Филатов, сэтшöм серьёзной собраннё вылын глупосттезөн выступайтны!

Мартынов висьталис:

— Ковсяс кö дело понда, ме готов, ёрттэз, тожö мунны колхозö председательён кöть кытчö. И иньö, конечно, мунас мекöt. Öтик лун дыржыксö огö олö татөн. Ковсяс кö, мунам.

— Кытчöдз оз ковсьы!

— Райкомын дельной секретарь — вот кин мянлö ковсьö! Кольччы аслат местаын.

— Эн кывзы сийö, Пётр Илларионыч! Пустой басни!

— Нем умöльсö тэ йылись народ оз баит. Некытшöм хитрость огö адззö сыын, что иньтö сувтötин уджавны Слободкаö. А мый, тиянлö былись развод керны?

— Чулöt собраннёсö, мый кадсö весь öштыны!

Бура, сьölöмсянь баитисö горсоветись председатель Скуратов, Госбанкись директор Щукин, райкомись инструктор Николенко, милицияись начальник Сазонов, районон заведующой Плотников. Баитöмныс сьортi позис надейтчыны, что нылөн кыввезныс оз янсалö дело дынись, что ния былись, кыз и баитисö собраннё вылас, сьölöмнаныс вежортисö, кытөн öни настоящей коммунистлөн местаыс, и пуктасö быдös выннысö, медбы колхоззэсö, кытчö нийö ыстасö, керны передовойёзөн.

Щукин висьталіс:

— Быдённым мийö тöдам, что миян деревня понда, колхоззэзся да совхоззэзся, мөдік туйыс абу. Онi эта быдённыслö вежөртана, кызд дважды два, этö политграмота. Но вöлі сiя, мөдік туйыс. Вот ме и мөда казьмөтны сы йылісь нылö, кин сийö оз төд — öддьөн том вöлі сэк либо пондiс вунөтчыны... Менам айö вöлі краснöй партизан, воуйтiс Первöй Коннöйын, гражданскöй война вывсянь локтiс Краснöй Знамя орденөн. Сэк нийö, орденнэсö, етша кинлö сетлісö. Локтiс гортö — нем абу, челядыс неля, ме ыджытжыкыс, двенадцать год. Сетiсö айöлö комбедись ссуда, небим вöv, а сiя пондiс шогавны и куліс. Отсалiсö эшö, небим мөдікö — сiя гөрикö көчлісь повзис, пондiс плугнас гөняйтны, лемехөн вундаліс сылö жылаэсö, ковсис вийны. Мый керны айöлö? Неграмотнöй, некытшөм мастерствоö абу велөтөм. Öтикö только и кужö — му гөрны. А мыйөн? Тулыс, эн көдз — не хозяин. Муніс бөра медасьны нiя жö богаттё дынö, көдна ордын и революция вотөдз батрачитіс. Кытшөм вöлі сылö этö терпитны? Сералöны: герой, орденоносец — мый понда воуйтiн? Пессис сiя этадз год кык мымда и кутчис умөль дело бердö, каттисис вövгусяліссезкөт, пондiс кулаккезлісь вövвез гусявны. Вийисö сийö Макаренковскöй хуторрезын. И меным учөтжык воннэзökөт, кытчөдз эз ло коллективизация, тожö ковсис батрачитны. Этасянь ме бура төда сийö, этö мөдік туйсö... Көть и советскöй власть, көть и му сетiсö беднотаыслö — он ордйы мортөн мортөс эксплуатируйтөмсö. Сет быдённыслö кредиттэз, мед небисö вöv, инвентарь — сё ни кинкö кужас, чожжыка сувтас коккез вылас, а кинлökö оз понды лөсявны, либо некинлö уджавны семьяс, шөгөттэз, челядь — куим год бөрти виль кулаккез и

виль батраккез. Некөр бы мийö эгö нетшкөвтö деревняын классовой пессьомсö, ежели бы не колхоззэз. А вот сэтшöм дöвазэз, сиротаэз, кöдна быд война бöрын кольччöны деревняас — этö эд вына хозяиннэз дынö батраккезö первой кандидаттэз!.. Пöдналим мийö этö туйсö. Этö — капитализм дынö бертöм, гибель быдöслö, мый вöли завоюйтöма, революциялö гибель! И пондiм нуötны крестьянствосö виль туйöt, единственно вернöй туйöt. Мийö пондiм нуötны, коммунисттэз. Этö мийö висьталiм крестьянаыслö: мийö пондам нуötны тiянöс виль туйöt, и тийö казятат, кытшöм чудеснöй лоас тiян оланыс. Мийö петкötим народсö эта туй вылö, мыччалiм целлез — миянлö и одзлань нуötны, победаöдз, конецöдз, миянлö абу сетöма право орötчыны эта дело дынись кытöнкö джынтуй вылас!.. Раз öнi деревняö колöны кадррез, кыз партиялөн член лыддя, что ме должен мунны колхозö. Ме деревняыс дынись эг орötчы, менам мамö да куим сой олöны колхозын. Кора ыстыны менö сiя колхозö, кытись ме петi.

А народнöй образованнё районнöй отделөн заведующöй Плотников, Щукинлись баитöмсö крепитiкö, аслас выступленнёын медбöрын лыддьötis «Деревняын удж йылись» Сталин речись нийö местаэсö, кöдна веськыта относитчисö талуння баитöм дынö:

«Ме тöда быдса группаэз сэтшöм колхоззэз, кöдна быдмöны да зорамöны, аккуратнöя выполняйтöны государстволись заданнёз и лунись лунö крепамöны хозяйственнöя. Мöдик ладорсянь, ме тöда ордчөн вылынжык висьталöм колхоззэзкöt и сэтшöм колхоззэз, кöдна, кöть и урожайыс нылөн öткодь и öткодьöсь ныкöt объективнöй условиез, — вынтöмсялöны и разсьöны. Мыйын причинаыс? Причинаыс сыын, что колхоззэз первой

группаон руководитоны настоящой коммунистэз, а мод группанас руководитоны «шляпаэз», правда, кармананыс партийной билетон, но сёжэ «шляпаэз».

Юассё, при чём сэтон крестьянаыс?..

Не крестьянаын колё кошшыны причинаё, мыля умёля мунёны нянзаготовкаэс, а миянын асаным, миян ряддэзын. Сійон что **мийё** сулалам власть дынын, **мийё** располагайтам государство средствоэзон, **мийё** призванёсь руководитны колхоззэзон и **мийё** долженёсь нуотны деревняын удж понда быдёс ответственностьё».

Ны бёрын корис кыв и прокурор Нечипуренко.

— Тэ тодан, ёрт Мартынов, — пондотис сия, нөйтчём да вамём носовой чышьянокон кыз голясё и пөрччалём йөрнөс ворот пыр мороссё чышкикё, — ме невночка съкыта думайта. Байтёмыс не сразу локтё ме дынөдз. Меным колё юрвемнам вөрөтыштны... Но вот пукалышти ме эстон, кывзышти, пожалуй, позьё керны сидз, что и колхоззэсё ёнмөтам кадррезон и райцентрсё огё ликвидируйтё. Может, сэтон и оз ло нарушеннёыс...

— Кытшөм нарушеннё йылись тэ байтан? — горөтчис Мартынов.— Кывзы, Андрей Семёныч, сия, мый мийё өнi керам, гижёма ЦК-лөн сентябрьской Пленум решеннёэзын! Колё только буржыка нийё лыддьөтны. Сентябрьской Пленум вылын миянлө сетисё первой звонок. Неужели колё видзчисьны эшө модик звонок, сыбёрын куимөдзё? «Мый миянлө!...»

— Нет, оз ков видзчисьны, көр сивилёно сетаё: «Вот тiянлө, ылөстөммез, тiян поездыс модө мунны ни, мый нө тийё пукалат?..» Менам местаө вермасё эд ыстыны работниксё областной прокуратураись. Сэтчин штаттэс ыджытөсь... А байтны кө сы йылись, что ме эг пессы социалистической

собственность расхитителлезкöt, что менам ныж-
мис чутьё, сэтөн тэ не совсем прав, ёрт Марты-
нов. Эзö разь вöлö сэтшöм случайез, көр преступ-
леннёсö керис коммунист и сійö колö судитны, а
тійö, райком, одö исключайтö сійö партиясис —
строгой выговор сылö последнöй предупрежден-
нёон. Борзов куим год сайлаліс мелькомбинатіс
ыджыт ворös. Мымда ме сыкöt спориті. Конечно,
колö öддьон бура проверяйтны коммунист вылö
поступитöм материаллэсö. Да и быд гражданин
вылö. Но вöлі кад, көр мийö особенно осторожнöя
видзötім сэтшöм делозсö. Классовой пессьом, ку-
лачество, белогвардейщина, — мыйсö оз вермö эна
враггес каттыны миян морт вылö? И öні колö öд-
дьон бура бөрйисьны, кытөн правда, кытөн на-
говор. Но ежели точнöя ни установитöма, что вор
пырис государственнöй либо колхознöй карма-
нö, — мыйлö сэтшöмыслö прощайтны?.. Öтик мер-
завец, растратчик, мыйöдз локтіс! Ме составиті сы
вылö дело, а сія меным шуö: «Сідзкö, мöдан менö
тюрьмаö суйыштны? Неужели тэныт несчастнöй
дас тысяча руб донажыкось бур коммунистсы?»...
Но, ладно, «Борьбаас» ме порядоксö кера! Кора и
менö лыддыны доброволецöн.

Урожайность определяйтöм сьöрти инспектор
Бывалых висьталіс:

— Муна колхозö, Москва разрешитас кө сэт-
шöм делосö.

Мясокомбинатіс директор Корягин заявитіс,
что сылөн аппендицит и сія оз вермы öні мунны
колхозас, должен водны больницаö, мед сылö ке-
рисö операция. Эталö öддьон дивуйтчисö район-
нöй поликлиникаись коммунисттэз-враччез, қодна
вöлісö собраннё вылас. Корягин öтпыр эз вовлы
больницаö, некөр некинлö эз норасьлы, что сылөн
кыткö висьö.

Шы эз сетö собраннë вылас только Жбанов да Коробкин. Но, көр сувтöтисö голосованнë выlö решеннëлись проектсö, кытөн вöлисö и нылөн фамиллëс, лэбтисö киэзнысö «за».

И собраннë конецын, — бора не сідз, кыз овлө пыр, решеннëсö примитөм бöрын ни, — заключительнöй кылөн выступитис Мартынов:

— Быдөнныт тійö, ёрттэз, унаись вöвлит колхоззэзын уполномоченнöйезөн, деревнясö тöдат, колхознöй строителствоыс тiянлö дело не виль. Но öтик дело, көр тійö ветлывлит сэтчин недыр кежö, көр кинкö тiянся унажык видзис непорядоккес понда ответсö, а тiянлö позис эна непорядоккес дынись и гортаныт мунны, шоччисьыштны. Син одзись ылöжык и чожажык вунötчыны. И совсем мöдик дело лоас, көр тійö пыркежö мунат уджавны колхоззэзас. Пыркежö. Но, может, и не пыркежö, не кувтöдз — кин тöдö, кинлөн кыз оланыс пондас мунны, — но, колö веськыта висьтавны, не лун кежö и не кык кежö. Колö я тiянöс бурötны, что нем оз ло, велалат, сыбöрын öддьөн пондас гленитчыны?.. Газетаэзын миян пантасьлöны статьяэз, кöднаын быдöс ошкöны: «Н-скöй районуи сельскöй хозяйствоыс специалисттэз и партактивись ёрттэз озö бы мунö уджавны колхоззэзö. Кытшöм заблужденнë! Кытшöм эд благороднöй нылөн рольныс! Кытшöм эд бур природаын оланыс! Кытшöм эд полезнöй здорөвье понда деревнскöй воздухыс!» Öтик статьяын, помнита, нельки гижлисö, что деревняын русскöй горын пуöм шыд чöскытжык сэтшöм жö шыдся, кöда пуöма городын газовöй плита вылын.

Залын пондисö серавны, а Мартынов серьезнöя баитис одзлань:

— Сэтшöм статьяэзлөн авторрес вачкисьöны «спасеннë армияыс» попpez выlö. «Кытшöм за-

блужденнѣ! Кытшѣм эд бур оланыс ыббез да вѣр-рез шѣрын!» Евангелистскѣй проповедез! Не сідз колѣ баитны ѣтирыскѣт, кѣдна мунѣны отстающѣй колхоззѣзѣ. Баитны колѣ мужскѣя, веськыта, откровеннѣя, не повны повзѣйтны трудносттезѣн. А деревня оз и любит поліссесѣ, оз нуждайтчы сія поліссезас... Дак вот, и шуа, совсем мѣдік дело, кѣр тійѣ пыркежѣ мунат уджавны колхоззѣзѣ. Первѣй дума тїян лоас, кѣр тійѣ локтат колхозѣ да быдѣс видзѣтат: «Пыркежѣ»... Мѣдік синнѣзѣн видзѣтат сія жѣ деревня вылѣ, морт синнѣзѣн, кѣдалѣ татѣн овны. И унаѣн буржыка пондат уджавны, нежели уджавліт одзжык, кѣр вѣліт уполномоченнѣйезѣн! Ѣні некинлѣ лоас сетавны указаннѣесѣ да установкаесѣ — аслыныт! И ѣрт Николенко оз ни понды ѣні ваявны райкомѣ аслас кустісь «недостатоккезѣн мѣшѣксѣ» и лыддыны, что ѣтѣн сылѣн деловыс керсис. Некрытѣ он дзѣб-сись ѣна недостатоккез шогья, аслыт и ковсяс нійѣ ликвидируйтны... Тїянлѣ аслыныт овны колхозас и тїян семьяезлѣ — иннезлѣ, челядьялѣ, — и ны понда колѣ старайтчыны.

Мартынов видзѣтыштіс Долгушин вылѣ, кѣда пукаліс первѣй рядын, Семидубовскѣй МТС-ісь главнѣй инженер Чумаков вылѣ, областись ыс-тѣм агрономмез вылѣ.

— Вот ѣстѣн миян ѣмѣсь ѣрттѣз, кѣдна локтісѣ миян дынѣ уджавны Москваись, Харьковись, областнѣй центрись. Натѣтѣ, и нылѣн сѣѣлѣммезныс жмитчыштісѣ, кѣр казялісѣ, кытшѣм разница сія олан коласын, кѣдѣ нїя колисѣ кытчѣкѣ Москваын либо Харьковын, и сы коласын, мый казялісѣ миян деревняезын. Мый эд, пондам волькѣтны ѣтѣ разницасѣ. Но волькѣтны сійѣ позѣ только асланым кизѣн!.. Районыс миян кытчѣдз не передовѣй, и областыс не богатѣйез коласісь, не Ку-

бань, шөрөт область. И ыстам мийö тiянöс не сэтшöм колхоззэзö, кытөн миллионной ни доходдэз, керкуэс көртовой крышаэз увтын, правленнёас «Победаэз». Сэтчин деловыс лöсьötöма ни. Ежели быдлаын бы вöли сiдз, сэк бы кадррес миянлö эзö и колö. Иньдöтам отстающей колхоззэзö, кытөн нем эта кытчöдз абу. Но — лоас. Лоасö и коттедждез ваннаэзөн да душөн, и асфальтируйтöм тротуаррез, и мичуринской саддэз, и асланыс колхозной санаторийез, и Шекспирлөн пьесаэз сельской культура Доммезын. Лоас, ежели керам. Но керны быдöс этö колö асланым киэзөн! Вот көр этö бура вежөртас быдыс, удж миян пондас мунны! Асланым киэзөн!.. Ашын дас часö асывнас лоас бюролөн заседаннё. Қорам локны быдөннысö, кин эта списокын. Утвердитам партактивлiсь решеннёсö и байтчам, кинöс кытчö, кытшöм удж вылö, пондам рекомендуйтны.

...Собраннё вылiсь отирыс мунисö не сразу. Залын и коридорезын чукөртчисö морт-мөдөн, дыр эшö байтисö мукöд выступленнёэз йылiсь, юасисö Коробкинлiсь да Жбановлiсь, мыля нiя нем эзö висьталö, сералисö мясокомбинатiсь директор Корягинлөн аппендицит вылын да «Қолучкаын» дружеской шарждез вылын.

Посохов фотоапаратөн котөртис Мартынов сьöрын өтөрö:

— Пётр Илларионович! Ерттэс көрöны, мед ме лэдзи нийö бритчыны парикмахерскойö. Көсь-ясьöны час бөрти локны. Позьö лэдзны?

— Кин көрö?

— Жбанов, Нечипуренқо, Сазонов...

— Эң лэдз! Снимайт сiдз, бритчытöммезöс, а то эшö кин-нибудь откажитчас. И — номерö! И областной газетаö сет материалсö... Нет, сэтчин

кытчөдз эн сет. Юörтам сэк, көр лоас керөма ни, көр быдөннысө бөрьясө колхоззэзас. Некинөс эн лэдз! Снимайт сідз. Прокурорсө смешитышт, мед снимайтчикас серөмтчис. Öддьөн ни гажтөм сылөн чужөмыс.

III

Кызд и видзчисис Мартынов, колхоззэзас народ бура примитіс деревняэзө виднөй районнөй ответработниккесө ыстөмсө. Быдлаын выборнөй собраннөез вылас колхозниккес, көдна лыддьөтисө ни местнөй газетаын районнөй партактив йылись отчөтсө, чуть не овацияэзөн пантавлісө доброволецсө. Только мукөдлаас вөлісө заминкаэз.

«Красный пахарь» колхозын, кытчө Мартынов ачыс ветліс рекомедуйтны председателнас районоөн заведующөйөс Плотниковөс, и кытөн сія панталіс важ төдсаөс Тихон Андронович Ступаковөс, тракторнөй бригадаын горючөй ваялісьөс, колхозниккес собраннө вылас эзө вөлө против, мед бөрйыны виль председательөс (сійөн что важ председателсө бесхозяйственность да растратаэз понда всё равно мөдөны судитны), а просто баитны пондісө мөдік йылись.

Пондөтчис бөра дед Ступаков:

— Төдан, өрт Мартынов, көр тэ вовлін төвнас миян дынө трактористтэз общежитиеө и сэтчин баитім совхоз йылись, тэ висьталін, что ме, кызд баитсьө, өддьөнөв көсті? Петіс сідз, что совхозас желайта мунны только ме өтнам, а сэсся тэ некинсянь сэтшөм баснисө эн кывлы. Дак вот кывзышт, мый тэныт висьталас быдса собраннө, а не ме өтнам.

Колхозниккес пондісө шумитны:

— Согласнөйөсь быдөнным! Көть талун жө!

— Ёрт Плотниковыс йылісь мийӧ нем умӧльсо огӧ висьталӧ, — может, сія и неумӧль председа- тельӧн лоас, — да буржык бы вӧлі миянӧс ӧтла- ӧтны совхозкӧт!

— Андрей Макарыч дынӧ пондам корсьыны! Ась примитӧ миянӧс быдӧс имуществоӧн! Отде- леннӧ ась керӧ миянын.

— Сідз и этадз миян быд хозяйствоись отход- никкез совхозас уджалӧны.

— Миянлӧ бы только законнӧя оформитны.

— Совхозас сетсьӧ зарплата.

— Сэтчин и порядоккес мӧдікӧсь. Дисциплин- ка! Этасянь и урожайес нылӧн бурӧсь, и мӧссэс вит тысяча литрӧн йӧвсӧ вайӧны!

— Не сідз, кыз миян. Сэтчин бригадир оз ни пет удж вылас кодӧн.

— Конечно, бур руководство дырни и миян- лісь колхозсӧ позьӧ лӧбтыны, но неумӧль бы вӧлі и совхозӧ вуджны.

— Кылін, Пётр Илларионыч? — бӧра лӧб- тісис Ступаков. — Этӧ не ме ни ӧтнам — народ баитӧ. Да тэ миян коласісь он адззы ӧтік мортӧс, кӧда бы вӧлі против! А мый возражайтны? Еже- ли, шуам, керны татчӧ совхозлісь отделеннӧ — ов сія жӧ местаын, карчйӧр дынат, мӧс, порсьпиян, быдӧс сідз, кыз вӧлі, а уджав совхозын, полу- чайт зарплата. Эта деньга вылӧ нянь небан, а сӧс- ся сія некытчӧ оз ков, сӧян аслат, остальнӧйыс — паськӧмӧ да кӧмкӧтӧ. Мыйӧн не олан? Вӧлім кол- хозниккез, лоам рабочӧйез — этадз эшӧ буржык: сӧ матӧжык коммунизм дынӧ! А баитны кӧ... мо- би-ли-зация али кыз сійӧ... наци-ли-зация йы- лісь...

— Экспроприация, — висьталіс кинкӧ.

— Вот-вот! Эта йылісь эн сомневайтчы. Оби- дитчыны огӧ пондӧ, ежели миян колхознӧй иму-

ществоыс совхозын лоас. Быль баита, важын ни вунотчисо отирыс, мый ния отлаотисо, кор пырисо колхозас. Нийо акттэсо некин оз берегит. И бора жо, мый отлаын наживитим колхозас — построй-каэз, инвентарь, — ась и эта быдос муно совхозо. Кор-нибудь сидз и этадз локтам сэтчо, что быдос лоас отик хозяинлон — народной!

— Ежели эта, может, не закон съорти — просто сидз босьтны мянлись колхозной имущество-со, — ась государство сы понда вежтас.

— Да и мийо неетша эд долженось государ-ствоысло быдкодь кредиттэз съорти. Может, некин-ло нем оз и ковсы вежтыны.

«Красный пахарь» колхоз гогор вөлисо ыббез «Челюскин» нима ыджыт животноводческой совхозлон. Хозяйствоыс сэтчин вөли сувтотома бура, совхозись директорсо Андрей Макарович Кулебякинос тодисо быдлаын кыз бур организаторос, образованной, талантливой агрономос, мыдзлы-том строительос. Совхозись рабочойес колхозник-кез син одзын быд годо, коть кытшом погоддяо, нельки засуха коста, босьтлिसо нянлись да кормо-вой туруннэзлись бур урожайез. Совхозной клу-бын, кытчо вөлис рыттэзнас матись колхоззэзись молодёжь, стенаэз вылас быдлаын ошалисо дип-ломмез да почётной грамотаэз, коднийо сетомась совхозысло подалон ыджыт продуктивность пон-да и модик хозяйственной достигнунёз понда. Фермазын подалон поголовье годись годо содис, лэбисо виль постройкаэз, совхозло се унажык ков-сисо рабочойез, и «Красный пахарись» уна кол-хозниккез уджалисо ни сэтчин кыз отходниккез, но колхозкот связьсо кытчоdz видзисо.

Собранне вылас Ступаков борын выступитисо пятнадцать колхозник гогор, и быдонныс баитисо сы йылись, что позис бы нылись колхозсо отлаот-

ны «Челюскин» совхозкөт, керны сысь совхоз-
лісь отделеңнө.

— Мөдік колхоззээ йылісь нем огө вермө
висьтавыны, ёрт Мартынов, — шуис өтік колхоз-
ник, — огө төдө, кыз сэтчин народыс думайтө, а
вот ас йывсиным веськыта висьталам — соглас-
нөйөсь. Ежели только сы йылісь эм сомненнө, что
пондас я миянлө гленитчыны, ежели мийө лоам
рабочөйезөн? — а мый не гленитчыны! Кытөн ра-
бочөй класс, сэтчин и порядокыс буржык.

Мартынов сідз байчис колхозниккескөт: одз-
лань лэбтыны да крепитны колхозсө, вежны ру-
ководствосө (Плотниковөс единоголаснөя бөрийсө
председательөн), уджавны сельхозартель устав
сьөрти, кыз и одзжык, а эта коста, ежели татөн
сідз сувтөтсьө ни вопросыс, постановитны общөй
собраннө вылын сы йылісь, что быдөнныс колхоз-
никкес единогодушнөя корөны нылісь хозяйствосө
да муэсө өтлаөтны «Челюскин» совхоз дынө, и
асыныс желайтөны лоны совхозас рабочөйезөн, и
этө постановленнөсө ыстыны Москваө Министр-
рез Советө.

«Памяти декабристов» колхозын Мартынов
неөтпыр пымавліс, кытчөдз собраннө эз пет-
көт постановленнө, медбы важ председательсө,
кодъюрөс, вежны. И виль председательлө про-
тив колхозниккес эзө байтө — Мартынов ре-
комендуйтис собраннөыслө райкомись членөс,
Госбанкись директорөс Щукинөс, — и важсө, Гри-
щенкоөс, эзө бы вежө. Грищенко, көркөся
лөтчик-истребитель, запасын капитан, куим ряд
орденскөй колодкаэзөн, пукаліс президиум
пызан сайын и быдөс аслас жалкөй видөн
мыччаліс, что одзлань сийө некыз оз позь
кольны колхозас ответственной удж вылын, —
пыр юөмсяняс пыктөм и өні, тыдалө, асывсянь еш-

тöма ни «веськötны» юрсö, бритчитöм, сунасьö-мөн пукаліс шысеттөг и совсем эз думайт сы йылісь, мый керсьö колхознöй клуб залас.

— Оз позь сійö чапкыны председательсис, ёрт Мартынов! — баитісö колхозниккес. — Бур эд вöлі мортыс! Простöй, обходительнöй. А колхозсö миянлісь кыз лэбтіс! Первöй кык годсö сія сідз уджаліс, что мийö сы понда енлö юрбитім, медбы сійö эз босьтö миян дынісь мöдік удж вылö. Ойесö эз узылы, ветлötіс ыббез вылöt, фермаэзöt. Бытшöмика висьталас мортыслö, мый колö, докажитас, кöть кытшöм лодырьöс сознанныё пыртас! Сэтшöм председательскöt миянлö овны и кувны!

— Лэбтіс колхозсö — и ачыс жö сійö пуксьötіс?..

— Эта сідз, пуксьötіс... Öні бöра шедім самöй отстающöйезö.

— Сідзкö, колö вежны сійö председательсис, раз эз оправдайт народлісь доверіесö. Кин эта предложеннё понда?..

Залын эз лэбтісь öтік кй. Женскöйез сыркьялісö, чышьян концецезнаныс чышкисö синнэзнысö.

— Жаль мортсö, ёрт Мартынов! Кыз жö сідз — чапкыны? Позорыс сылö кытшöм!

— Мымда вынсö пуктіс миян хозяйствöй!

— А винасö юис эшö унажык?.. Не, ёрттэз! Пьяницаэс сымда керисö колхознöй строительстволö вредсö, что мийö долженось öзтыны против нылö народлісь гнев! И мийö огö думайтö некытөн кольны сэтшöммесö руководствоас. Эд баитöны, öтік лун оз чулав, медбы тiян председателыныт эз вöv код? Да сія и öні, видзötö, код локтіс собраннё вылас.

— Эта сылөн тöнняя юёмсянь, ёрт Мартынов.

— Шуч боссёма спиртнас. Ежели бы сја өні и чапкис юны, дак эшö месяц бы вина дукуыс сы-ись петіс.

— Кин сы понда, медбы Грищенкоос вежны?..

И залас бöра шы не төв, кык-куим ки лэбтисисö, кыліс сьöкыта ловзисьлөм да сыркьялөм...

— Ёрт Мартынов! Мийö асьным эд мортсö тшыкötим, — пондiс баитны öтик колхозница. — Асьным тшыкötим, мийö виноватöсь, а öні тшöк-тат миянöс голосуйтны против!.. Кыдз пондiс сја уджавны миян колхозын, медодз муніс видзötны, кыдз дöваэз да öтка стариккез олöны, отсаліс миянлö, пес миянлö выпишитісö, мөссэзлö идзас вайисö... Колхозыс ыджыт, мийö унаöсь — сја öтнас. Сэтөн кага шогмöма — колö поздравитны, сэтөн касьтисьöны, сэтөн свадьба, сэтөн новоселлө. А миян совестьыс абу, корам сійö: «Да пырав, Николай Андреич, уважит, эн брезгуйт миян няньөн-солөн!» Сійö огö вежöртö, что ежели сја быд керкуын юас öтик стаканөн, мымда эта лоас? Быдса цистерна, кöдаын железнöй туй вылöt керосин кыскалöны! Мийö бессовестнöйес, вот кин, а не сја! Вот сја и велаліс эта зеллө дорö сідз, что öні лун сытöг оз вермы овны!

— Сэтөн свадьба, сэтөн кага шогмöма — колö поздравитны, а сэтөн подвода сет базарö ветлыны, — бöра жö пол-литра сылö пызан вылас?..

Быдöс залыс лөгөн пондiс шумитны.

— Не! кöда эз вöв, дак эз вöв!

— Напраслинасö сы вылö эн кышав, ёрт Мартынов!

— Сэтшöм делонас сја оз занимайтчы!

— Взяткаэз оз босьтав!

Мартынов невна смущённöя, виноватöя видзö-тыштiс Грищенко вылö, кöда сунасис пызан саяс:

— Кора проститны. Сідзкө, просто — честнөя пондiс юны?

— Честнөя! Честнөя!

— Только юö, сэсся некытшöм греххез сы са-йын абуöсь!

— Но кинкө, натьтö, колхозаныт пользуйтчö этөн, — одзлань баитiс Мартынов. — Раз председа-тель пыр код, кöть и ачыс оз безобразничайт — зато мöдиккезлö воля.

— Что мöдиккезлö воля, эта сiдз. Қыз баит-чисьö — гуляйтö, чорттэз, кытчöдз еныс узьö!

— Петушинöй ферма организуйтiсö.

— Кытшöм петушинöй ферма?

— Да мян öтик бригадир ордын компания öк-сьывлö. Қартiэзөн орсöны, деньга вылö, «петушо-көн». Мийö и пондiм шуны нийö «петушинöй фер-маөн».

— Вот эна дынö «петушинöй фермаас» пол-литратöг эн лок, ежели мыйкö колö корны!

— Миян понда порсьпияннэз вузавны абуöсь, а аслыныс кык порсьөн трудовеннез понда выпи-шитiсö!

— Колхознöй турун быдöс винаөн юисö.

— Көдö юисö, көдö сiсьтiсö. Некинлö вöли ви-дзöтны турункериссес сьöрын. Зороддэсö тэчö-мась сiдз, что зэрикö пыдöсöдззас вамисö.

— Вот, быдöс эта лоö сысянь, что тiян колхоз-лөн юрыс абу, — висьталiс Мартынов. — Сэтшöм положеннiсö одзлань терпитны оз позь.

— Эх, ёрт Грищенко, Николай Андреич! — скамейка кузя шапканас сöтикö, гажтöма висьта-лис öтик колхозник. — Ежели бы тэ первосьянь эн мун сiя керкуö, кытчö тэнö корисö, быдöс бы вöли бур! Висьталiн бы: извинитö, эдö лöгалö, но ме ог ю, медицина оз тшöкты, и эдö корö, капля öмам ог босьт, — сiдз бы и велалисö отирыс сы дынö, что

тэ неюись, и некин бы тэнö эз понды корны. А раз мунін öтiк ордö, то колö и мöдiк ордö и куимöт ордö мунны, а то öбидитчасö. Кыдз, мыся, сiдз, ёрт председатель, öтiккез ордын свадьба вылын гуляйтiн, мöдiккез ордö нимлун порйöтны ветлiн, а миянлiсь новоселлёсö мöдан ордйыны? Вот сэтöн и пондiс тэнö бергöтлыны. Слабость тэнат! Эн вермы видзны характертö!..

— А раз эг вермы, сiдзкö, оз позь менö председателяс видзны, — чеччис саймöм Грищенко. — И нем тiянлö эстөн кадсö весьтöмись öштыны. Голосуйтö. Ачым понда голосуйтны, медбы чапкисö менö... Скоростьсö öшти... Быль баита, ёрттэз. Факт. Ме тiянлö лои кыз самолёт борддэз вылын йы, кыска колхозсö увлаñь... Бөрйö вот ёрт Щукинсö. Ме тöда, кыз сiя уджалiс Госбанкас, видчывлi ськöt. Хозяин! Вот!.. Быдöс...

Пезьдiс да дзобгисьöмөн бöра пуксис стул вылö.

Мартынов думайтыштiс да висьталiс ассис предложеннö:

— Наказывайтны сiйö мийö огö пондö. Мортыс шогалö, сiйö колö лечитны. Алкоголизмөн шогалiссес понда эмöсь специальнöй больницаэз. И пондылам лечитны, бергöтны нормальнöй оланö!.. Давайте гижам сiдз: «Освободитны ёрт Грищенко-öс колхозiсь председатель должностьсянь да индöтны сiйö лечитчыны». Вот сiдз. Не чапкыны, а освободитны... А виль председателыслö, ёрт Щукинлö, бöрсят кö сiйö, эта серьёзнöй предупрежденнö! Видзны характерсö первöй лунсянь жö! И тийö, ёрттэз колхозниккез, тожö керö ас пондасыныт выводдэз. Эд надоедайтö сылö асланыт гостеприимствоон. Тожö первöй лунсянь жö! Эд пуктö сiйö вежайö, кумö. Чулötö ассиныт свадьбаэсö да октябринаэсö председателытöг. Былись, сэтшöм

колхозон, кызд тiян, — восемьсот хозяйство, —
позьо не только мортос, слонос позьо коддзотны!..

Сидз, смехон да синваэзон, колхозниккес сешо
голосуйтисо сы понда, медбы Грищенкосо освобо-
дитны, и борйисо колхозо председательнас Шуки-
нос.

Жбанов мунис Олешенской МТС-о уджавны
парторганизациян секретарьон, Бывалых —
колхозо председательон. Кыкнанныс эз тэрмасьо
нуотны райцентрись семьяэзнысо: отыс, тыдало,
надейтчис сы выло, что областной организацияэз
озо разрешито сыло кольны урожайность опреде-
ляйтом сьорти инспекторлис постсо да мунны кол-
хозо, модыс — кин тодо, мый выло, может, сы вы-
ло, что сийо низовой удж вывсис корко бора бось-
тасо кытшом-нибудь районной должность выло.

Мясокомбинатис директор Корягинос, видно,
кинко, кода тодо медицина, «консультируйторма»,
кызд симулируютны аппендицитлис острой при-
ступ. Скорой помощь нуотис сийо больницао, сэт-
чин сыло керисо операция, некытшом аппендицит
эзо адззо, вундыштисо слепой кишкалис червооб-
разной отросток, кынөмсө бор вурисо да висьталис-
со: «Но, они, кызд только операцияыс борын весь-
калан, верман повтог мунны медумоль колхозо,
кытон даже фельдшерской пунктыс абу: полной
гарантия, что аппендицит тэнат некор оз ло».

Коробкин партактив собранне ашынас локтис
Мартынов дыно райкомо, бледотом, отик ойон
умольтчом.

— Ог вермы, Пётр Илларионыч, ог вермы!.. —
гажторма горотчис сия, пызан дыно пуксикө, ошо-
тис юрсө да нервнөя ниртис кинас воск кодь веж
плешсө. Кажитчис и плешыс сылон, кода пыр
свиттялис, кызд лакируйтөм, талун кызд бытьто
пемдис, чукыртчис. — Ог вермы... «Пыркежө!...»

Вежорт кыз мортос! Кин кытчө велалом... Может, эта менам шогот. Мыйкө, может, эшө учот коста пыркежө дойдис менчим сьолөмөс... Эта арся нятыс, эна төвся кузь ойес, көр пукалан керосиновой лампаон, поннэзлөн уннялөм. Сэтшөм гажтөм!.. Кыз только думайта эта йылись — сьолөм пот-мунас. Сэтчин ме ошта и он и аппетит. Просто, сьокыта понда шогавны и ог понды вермыны уджавны, ог сет некытшөм польза...

Мартынов дивуйтчөмөн кваркышалис синнэнас, Коробкинсө кывзикө. Кытшөм эд жалкөйөсь вөлисө кыввес и видыс эта ыджыт мыгөра представительной детиналөн, көда пыр сэтшөм увереннөя да солиднөя пыравлис кабинеттэзө, сэтшөм апломбөн выступайтлис райком пленуммез вылын: «Колхоззэзись мукөд председателлез преступнөя недооценивайтөны силосной башняэз строитөмсө. Ме предлагайта висьтавны сэтшөм ёрттэслө, что нылө некин оз разрешит срываитны силосной башняэз строитөмсө!»... Кыз сийө кольмөтис! Былись, ысты сэтшөм слабонервнойсө отстающөй колхозө — припадоккез пондасө зэгыны сийө сэтчин.

— Керосиновөй лампаэзсянь эм спасеннө, — висьталис Мартынов.— Электростанция строитан. Тэныт строитны не велөтчыны. Райисполкомас тэ заведуйтин строительство отделөн.

— Эн шутит, Пётр Илларионыч!.. Делоыс не только керосиновөй лампаэзын. Менам сьолөм гудыртчө, көр видзөта деревенскөй оланыс вылө. Эта менам — вирам. Менө пыр кыскис городө, рабочөй класс дынө!..

— Сулав, сулав, ёрт Коробкин! Мыля вират? Кыз ме помнита, — ме видзөти тэнчит учөтнөй карточкатө,— тэ ачит крестьянаись, быдмин деревняын?

— Крестьянаись, да... Но. ме эг думайт пыркежӧ кольччыны деревняс. Ме даже эг гӧрлы. Ме ог куж вӧлӧс телегаӧ доддявны... Кӧр ме пыри комсомолӧ, менӧ сразу назначитисӧ сельсоветӧ делопроизводительӧн. Сыбӧрын заведуйтӧ паспортной столӧн. Мунӧ айӧ дынись, олі квартираын, культурной семьяын, ветфельдшер ордын. Быдлаын сӧстӧм, гажа. И кӧр менӧ примитисӧ партияӧ, ме тожӧ эг уджав колхозас. Пондӧ уджавны гострахаын, сыбӧрын вӧлі сельпоын председательӧн, инкубаторын директорӧн, заведуйтӧ мельницаӧн. Сыбӧрын, пожар бӧрын, кӧр мельницаыс сотчис, менӧ босьтисӧ районӧ... Пётр Илларионыч!.. — кеймисьӧмӧн висьталис Коробкин. — Ыстӧ менӧ велӧтччыны областной партшколаӧ!

— Пола, что ӧнӧ тэныт ковсяс сӧжӧ колхозын уджалыштны. Норовитам велӧтчӧмнас.

Коробкин суйыштис кисӧ пиас, дрӧжитан чуннезӧн мыйкӧ кыкис морос кармансис, пунктис пидзӧссез вылас да вевттис кидолоньнас.

— Мый эта? — юалис Мартынов.

— Ежели сӧдз... Сӧк... Меным ковсяс... Ежели тэ он верит меным...

— Мый тэ кыскин кармансит?

Коробкин мыччалис Мартыновлӧ партийной билет.

— А-а...

— Вежӧрт, Пётр Илларионыч, меным не кокнит керны этӧ. Но мӧднӧж ме ог вермы... Ог вермы!.. И иньӧ менам сӧе равно оз мун колхозас. Мый жӧ миянлӧ — янсӧтччыны? Ме пятнадцать год ола ськӧт, челядь эмӧсь...

— Но дак мый, ачит кӧ сетан... — Мартынов кыкис крепыта жмитчӧм, бытьтӧ ойтӧлӧн кӧстӧм Коробкин чуннезись партийной билет, осьтис сейф, пунктис сэтчӧ билетсӧ и пӧдналис ключ вылӧ. —

Кытчөдз ась куйлө. Бюро вылас мийö сёжö тэнö корам.

И, мед быдсөн тöдны этö мортсö, силöй тшöктис асьсö, кыз бытьтö лоöмыс йылис жалейтöмөн, участливöя юавны Коробкинлис:

— Но, а мый жö тэ думайтан керны одзлань? Мыйөн пондан овны? Вежörtан, ёрт Коробкин, öнi миянлö небытшöм эд кольны тэнö райисполкомын руководящöй удж вылас.

— Ачым тöда, что небытшöм... Мый эд керан, адзза уджсö. Сёжö ме морт грамотнöй, опыт менам эм... Не сэтшöм, конечно, зарплатаыс лоас... Иньö менам бухгалтер, бур местаын. Керку аслам. Сад миян бур... Олам.

Мартынов чеччис, пондис ветлötны кабинет кузя:

— Рабочöй класс дынö, шуан, тэнö кыскис? Мыля жö сэк эн мун эшö томнат, көр вöлин комсомолец, Магнитогорскö? А татөн миян, Троицкас, кытшöм жö заводдэз?.. Чернильница дынö тэнö кыскис, а не рабочöй класс дынö! Волостнöй писарь!.. Кокнита партбилетнат янсötчин.

И — сэсся эз вермы терпитны. Сибötчис ыбös дынö, гырдызанас лöга тойыштöмөн осьтис ванийöv, и вдруг сибдöм голосөн негорөн висьталис:

— Пет. Шкура!

Коробкин горбыльтчис, сразу чинис мыгöрнас джын метр мымда, дрöгнитис спинанас и нильдыштитис ыбösö.

Бюролөн первöй жö заседаннё вылын Коробкинös исключитисö партиясй. Эта жö заседаннё вылын исключитисö и Федуловös. Эта мортын, көр буржыка видзötисö, тожö сложнöйыс нем эз вöv. Тожö «волостнöй писарь», сэтчö жö эшö и жулик. Кыз тöдисö, городын керкусö строитöм понда, вöрся, уна эшö быдкодь добросö сйя кыскöма

«Борьба» колхоз амбаррезісь да кладовійезісь «себестоимость сьорті». И сайлаліс эта колхозын умоль делозз йылісь быдос жалобаэсö, коднö гижлісö райисполкомас. Федуловос исключитісö партиясь и делосö сетісö судö. Корягин аппендицит йылісь делосö кытчöдз эзö пондö разбирайтны, а решитісö видзчисьны, көр сія петас больницасис.

Неделя бөрті быдос колхоззэзас, кытөн коліс вежны руководствосö, бөрйисö ни виль председателлезос. Руденко, Грибов, Николенко сразу и семьяэзнысö нуотісö виль местаас. Мунөм ёрттэз туйö районной учрежденнээзас кытчöдз уджалісö временной заместителлез.

Эна луннэзö Мартынов уна получитіс телеграммаэз, уна звонитісö областной центрись и нельки Москваись.

— Ёрт Н. состоитö мян номенклатураын. Кыдз жö тійö мянкөт согласуйттөг иньдөтīt сійö мөдік удж вылө?

— Кытшөм мөдік удж вылө, давайте висьта-лам точнойжыка. Öддьөн важной удж вылө. Мийö эд не газированной ва вузавны ыстім сійö. Передной край вылө ыстім — колхозö председателён.

— Самоуправство!..

Көр телефонной трубкаын öддьөн горөтлісö, Мартынов баитіс:

— Норасьö мян вылө ЦК-ö. Мийö сідз вежөртім сентябрьской Пленумлісь решеннээсö: буржык отирос — колхоззэзö. Ежели неверно вежөртім, веськөтасö мянөс. Норасьö, норасьö, кадсö весь эдö öштö!

Эта бөрын басниыс орліс и провод кыкнан концын трубкаэсö пуктылісö аппарат вилка вылө.

...Сөрөн ойнас — Мартынов вөлі гортас, лө-

сьотчис ни водны узьны — кыліс звонок, көдө сiя важын видзчисис. Телефонистка предупредитіс: «Пондат баитны обкомись секретарькөт».

— Алло!.. Мартынов, тэ?

— Ме тэнö кывза, Алексей Петрович!

— Кыдз олан?

— Ничего, спасибо.

— Кыдз здоровьеыт? Семьяыт?

— Быдöс бур.

— Баитöны, дугаэз көсталан?

— Ог, Алексей Петрович, сэтшöм производствос миян абу районас. Керам колесоэз, сiössэз вурам, кирпич керам, а дугаэз огö керö.

— Ме баита: дугаэз көсталан, кызд ош... Тэ мый сэтчин кадррезнас керин?

— А-а...

Телефонөн баитöмыс кыліс сэтшöм бура, что Мартыновлөн иньыс, Надежда Кирилловна, көть и эз бы мөд кывзiсьны, всё равно быдöс бы кыліс. Сiя видзöтыштiс жöникыслөн серьёзнöй чужöм вылö, кисö пуктыштiс сьölöм вылас, көда öддьөн пондiс пессьыны, и пуксис диван вылö ордчөн жöникыскөт.

— Татөн, обкомас, тэ вылö жалобаэс быдса куча.

— Мыля быдса куча, Алексей Петрович? Ёртэс унажыкыс колхоззэзас мунiсö добровольнöя. Мый вылö жö нылö норасьны?

— Но, не куча, а письмоэз эмöсь... Дак кызд тэ думайтан одзлань овны — исполкомись председательтөг, прокурортөг?..

Мартынов мөдiс вöлі подробнöя висьтасьны асис плансö — обкомись секретарь падмөтiс сiйö:

— Ладно, быдöс вежөртана... И миянлiсь пондат корны кадррез? Но, конечно, ме сiдз и думайтi, сразу казялi, көр меным висьталiсö. Вежөртi.

Невна тōда ни тэнō... Райсполкомō председа-
тельōс мийō тiянлō сетам. Тōдан кинōс? Воднōй
хозяйство управленнēись начальникōс, Митинōс.
Областись главнōй водолейōс. Этō должностыьс
сьōртi сийō сiдз шуōны, а веськыта висьтавны, тол-
ковōй зонкаыс, энергичнōй. Сы местаō корам ми-
нистерствоōс ыстыны мортōс. Прокурорōс тожō
сетам, кинōс-нибудь областнōй аппаратiсь. Мийō
татōн тожō, пожалуй, ыстам народсō районнэзō,
может и вторōй секретарьōс. Мукōд районнэзас
миянлō колō крепитны руководствосō... Быдōс эта
бур, правильно, ёрт Мартынов. Но вот эстōн эм
тэ вылō жалоба: не коллегияльнōя быдōс этō ке-
рин, бюро решеннētōг.

— Кызз бюро разрешеннētōг? Мийō сыбōрын
быдōс этō утвердитiм бюро вылын. Бюроас миян
ōкмыс морт, Алексей Петрович, а партактив вы-
лас вōлисō кык сотня морт. Мийō перво советуйт-
чим районiсь партийнōй активкōт. Разь умōль?

— Сiдз, сiдз... Сiдзкō, сыбōрын этō вопроссō
видзōтит бюро вылын?

— А кызз жō!..

— Но мыля жō, ёрт Мартынов, быдōс эта йы-
лись ме тōда не тэсянь, а аслам аппаратсянь?
Письмоэзiсь морттэсянь, кōднō тийō обидитiт?
Мыля, кōр тэ думайтiн керны этō операциясō, эн
висьтав меным сразу? Эн звонит? Полiн? Мы-
йись?

— Да не, Алексей Петрович, ме эг пов...

— Но сēжō сомневайтчин — разрешитам ли?
Давай, мыся, верность понда сувтōта обкомсō
факт одзō. Сiдз?.. Весись сыдырна чōлiн. Эд и мō-
дик районнэзын миянлō колō крепитны колхознōй
кадрресō. Тийō адззит форма, кызз буржыка веш-
тыны одзлань этō делосō. Колō висьтасьны эта йы-
лись и мōдиккезлō. Тэ важ газетчик, а ноко быдōс

этö гиж бытшöмика, миян газетаö — кыз муніс тиян партактивыс... Көр ыстан? Ашын? Бур.

Надежда Кирилловна сералан синнэзөн видзöтыштіс жöникыс вылö, лэдзис чуннесö сылö сук юрсиас, дзугис сійö. Мöдыс нетерпеливöя жагöник вештіс иньсö.

— Кывзы, ёрт Мартынов...

— Ме кывза.

— Вот мийö татөн тожö пондам керны кадр-резлись передвижка. Кинöс районнэзö, а кинöс районнэзись... Ежели мийö босьтам тэнö обкомö, а?

— Кыз обкомö?

— Но, кыз — обкомö удж вылö. Адззам тэ-ныт мый-нибудь выныт сёрті. Не инструкторөн, ыджытжыкö уджсö сетам. А? Обкомас эд тожö отир колöны.

— Но, вот! — мезмис Мартыновлөн.

— Мый — «но, вот»?

— Да мыйлö жö менö вөрötны районсис? Ме эшö татөн нем эг ешты керны. Нет, нет. Ог мун!..

— Думайтышт.

— И думайтны эта йылись ог понды! Ог понды думайтны!

— Мыля жö сэтшöм капризнöя отвечайтан? Тэ не нывка, тэнö не жöниксайö корасьöны.

— Простит, Алексей Петрович. Ог мун ме обкомас. Некрытчö ог мун районсис! Ежели только, может, чапкат менö... Мийö эстөн баитім ёрттэз-кöt: көр офицер дыр командуйтö батареяөн, батареяыс лыйлö бура. Мыйлö жö менö сэтшöм чо-жа выдвигайтны областьö? Ме эшö районсö бытшöмика ог төд... Нет, Алексей Петрович, кора тэнö — кольö менö татчö. Только пондіс делоыс лöс-сявны!.. Вот эна ёрттэс, көднö мийö ыстім колхоз-

ээзас, мунисö радөн, честнöя, ны вылö позьö на-
дейтчыны, что лэбтасö отирсö. Татөн бы öнi и
уджалыштны! Меным эд тожö охота мыйкö керны
районас аслам киэзөн, медбы сыбöрын радуйт-
чыштны результаттэзнас, любуйтчыштны!.. Нет,
нет! Оз ков. Öддьөн кора!..

— Он мун?.. Эх, вонöй, ежели бы тэ тöдiн,
кытшöм эд меным сьöкыт обкомас!.. Но, ладно,
узь спокойнöя. Огö пондö кытчöдз тэнö вөрöтны.
Привет иньытлö!

— А вот сiя эстөн, ордчөн мекöt пукалö. И
тэныт привет ыстö.

— Спасибо. Может, ме адзза сыын союзница-
ös? Öтлаын ськöt вермам кыскыны тэнö район-
сис?..

— Оз, и сiя оз мун, юрнас бергöтлö. Сiя тожö
пондiс любитны этö районсö. Öтик колхозын татөн
садитiс пятьдесят гектар том сад, мöдö видзчись-
ны яблökкeз.

— Сiдзкö, кольны тэнö пыркежö командуйтны
батареяөн?.. Тожö не совсем правильно. А кин жö
пондас дивизияэзөн, армияэзөн командуйтны? Ге-
нераллэс эд эз шогмö генераллэзөн, нийö тожö
выдвигайтiсö... Чожа обкомлөн пленум. Телеграм-
масö получитiн? Лок одзжык, пленум вотöдз пы-
ран ме дынö, буржыка баитам кадррез йылись:
кытшöм тэныт колö подкрепленнö, кытшöм долж-
носттез вылö... Сьölöмсянь, бура уджалан ёрт
Мартынов. Молодец! А хитритны оз ков. Сэтшöм
делоэзас тэ пыр адззан мянсянь поддержка. Но,
спокойнöй ой тэныт! Ло здоров!

— Адззисьлытöдз, Алексей Петрович!

Надежда Кирилловна радувьяс крепыта жми-
тiс ас бердас жöниксö да окалис.

— Мый понда? — юалис Мартынов, кинас
тырппесö чышкикö.

— Нем понда... Сы понда, что быдӧс бура чу-
лаліс!

— А, эта понда!.. Сідзкӧ, ежели бы чулаліс
умӧля, выговор меным сетісӧ бы кадрресӧ разба-
заривайтӧм понда, — эн бы окав?

— Бӧб тэ! — пондіс серавны Надежда Ки-
рилловна и эшӧ ӧтпыр окыштіс жӧниксӧ.

— Вот, вот! Мый эшӧ висьталан бурсӧ?.. Об-
комись секретарь эз вид, отир ровно озӧ жӧ видӧ,
а сысянь кыла: «бӧб».

— Улісянь критика, ӧрт секретарь! Ошкисӧ
сійӧ, тшӧктісӧ собраннӧ йылісь газетаӧ гижны!..
Вышитчыны пондін, тыдалӧ? Любит критикасӧ,
кыз ассит иньтӧ!..

И дыр эшӧ Мартынов да Надежда Кириллов-
на баитісӧ медбӧрья луннэзся событиеез йылісь,
шутитісӧ ӧтамӧдныс вылын, возбуждӧннӧйӧсь да
радӧсь сысянь, что быдӧс чулаліс бура, позьӧ
ашыння лунсӧ видзчисьны волненнӧэзтӧг, аслаг
дело правотаӧ чорыта веритӧмӧн.

И асывнас, кыз только Мартынов саймис,
чеччис да сибӧтчис ӧшын дынӧ, кысянь тыдаліс
крут керӧс увтӧ ю дынӧ туй, ю саяс видз да кыззо-
вӧй том расоккез и ылісь мыс вылын посад, —
первӧй думаэс сылӧн вӧлісӧ обкомись секретарь-
кӧт ойся баитӧм йылісь.

— Нет, нет, некытчӧ мийӧ татісь огӧ мунӧ.
Кӧть бы вит год мымда олыштны татӧн. А, Надя?
Любитны понді ме этӧ городоксӧ, районсӧ. Наро-
дыс бур эд... Колӧ уджалыштны татӧн. Сідз
уджалыштны, медбы отырыс сыбӧрын бур кылӧн
касьтывлісӧ миянӧс!..

1954 г.